

AWEMainta

E DIFERENCIA DEN NOTICIA

WEGA DI CONEU Y TURTUGA

LEY DI MATRIMONIO PA HENDENAN MESUN SEXO BARI FOR DI MESA



ANALISIS

**RAPPORT DI RAAD VAN ADVIES TOCANTE
PRIVATISACION DI TAREANAN DI GOBIERNO**
CONSIDERACION CRUCIAL: FALTA DI
SUPERVISION Y (BON) GOBERNACION

AGENCIANAN DI BIAHE
NO KIER ENTREGA PLACA Y
PASASHI JETAIR

EAGLE LNG
MINISTER GLENBERT
CROES DEN OTRO CASO CASI
IGUAL CU RACETRACK

Tired of Manually Processing Forms?



SCANsys
vision on imaging

- Digital Processing of Purchase Invoices and more
- Seamless Integration with most Financial Software
- Complete Control of Authorizations via Workflows

VCC
International NV

This OCR software scans any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

Wega di coneu y turtuga

Ley matrimonio hendenan mesun sexo bari for di mesa



E reunion di ayera merdia caminda Parlamento lo a pone e concepto di ley pa hendenan di mesun sexo, un biaha mas na votacion, no a produci ningun ganado pero si el a presenta un perdedo den e fraccion di RAIZ.

Varios siman atras, ya caba Parlamento a trata e concepto di ley aki pero despues di oranan largo di discusion, resultado di e votacion no a trece ningun cambio compara cu e reunion cu a tuma luga dia 8 di mei ultimo caminda na final di anochi, e votacion a termina den un empate di 10 na favor y 10 contra.

Parlamentario Shailiny Tromp-Lee lo por a haci e diferencia pero el a opta pa bandona sala di reunion luna pasa y a bin un asina yama “deadlock” cu a pone cu no a keda Presidente di Parlamento, Edgard Vrolijk otro cos, cu yama e reunion un biaha mas pa mira si lo por logra kibra e empate aki.

Ayera e escenario no a cambia ya cu ta for di algun dia caba AWEMainta tin informacion riba e hecho cu lo no tin miembronan cu a vota pro y contra na luna di mei y na mes momento tabatin confirmacion cu Parlamentario di fraccion di MEP, Shailiny Tromp-Lee, lo no presenta mes p’e reunion manera cu el a haci mas c’un luna pasa pa despues bandona sala.

Tur cos tabata muestra cu e Parlamentario aki lo no atende e reunion loke a keda confirma tambe na momento cu Presidente Edgard Vrolijk a reanuda e reunion pa 14.05 di merdia, tabatin 20 miembro di Parlamento den sala y e unico ausente e biaha aki, a resulta di ta Shailiny Tromp-Lee, loke ya a pone cu tur hende a saca nan conclusion caba riba e resultado final.

E prome 8 parlamentarionan cu a vota tabata a sostene aprobacion di e ley sigui pero e siguiente 12 miembronan

cu a vota tabatin solamente dos na favor di e ley pa un total di 10 pero na final 10 otro miembro no a sostene ley cu e hecho cu ausencia di Parlamentario Tromp-Lee a pone cu e votacion a keda empata na 10. Consecuentemente e ley a keda rechasa y mesora Presidente Vrolijk a despedi cu himno nacional.

Kico lo bay pasa no ta conoci ya cu den cualkier gobierno cu tin presentacion di un of mas partido y vision di un di e partidonan aki no wordo reconoci of respeta pa otro coleganan, esaki lo ta motibo pa un crisis politico grandi cu lo tin cu consecucionan pa cu futuro di un of otro coalicion.

Sinembargo den e coalicion di MEP y RAIZ tabatin asina hopi momentonan cu tabatin motibo suficiente pa termina cu e confiansa cu tin den otro, entre otro na momento cu Minister Ursell Arends a dicidi di hiba su propio Prome Minister Evelyn Wever-Croes Corte, loke ta pone un duda grandi si awor si esaki lo por t’e caso.

Analizando e situacion completo riba e concepto di ley cu fraccion di RAIZ a presenta pa aprobacion di matrimonio di personanan di mesun sexo, tin cu conclui cu henter e proceso aki a pone hopi hende corta riba e storia pa muchanan chikito, di e careda entre e coneu y e turtuga.

E coneu (RAIZ) cu tur su habilidad fisico, sabiendo cu e por core duro, a pensa cu e ley aki tabata cos di “chicken-feet” pero el a drumi na caminda y e turtuga (MEP) cu tur su pasenshi, a tuma su tempo pa cana trankilamente di dje y yega e strepi final y gana e careda aki.

E resultado aki ta muestra cu pueblo di Aruba tin un gobierno forma pa un partido “veterano” hunto c’un partido di “nobatonan” cu ainda no sa regla di wega y con pa hunga e tipo di politica aki.

ANALISIS

Rapport di Raad van Advies tocante privatisacion di tareanan di gobierno Consideracion crucial: falta di supervision y (bon) gobernacion

DEN e rapport publica recientemente pa Raad van Advies (RvA), RvA ta critica e tendencia di gobierno pa mira privatisacion di tareanan publico como un solucion p'e restriccion den maneho financiero y personal den servicio publico. Sinembargo, esaki a hiba na un atencion insuficiente pa discusionnan esencial tocante prioridadnan politico, e rol di gobierno den sociedad y legitimidad democratico. Como resultado, e escogencia di privatisacion ta wordo tuma mucho lihe, sin un conocimiento y guia adecua.

RvA ta ilustra cu for di practicamente binti aña pasa, RvA a constata cu na Aruba e atencion tabata enfoca mas riba e forma legal di e servicio pa wordo independisa, en bes di e proceso real. Prome cu por cuminsa cu un proceso di independisacion legal, ta crucial pa considera te na cua punto independisacion legal ta deseabel. Factornan importante ta inclui e grado desea di maneho y influencia di gobierno y politica, e grado di interes publico cu e servicio nifica y e responsabilidad pa garantis'é. E grado di influencia gubernamental ta wordo determina parcialmente p'e apoyo financiero di gobierno y e gravedad di e tarea publico di e servicio.

E asignacion di tareanan gubernamental na entidadnan manera un NV, fundacion of entidad legal di derecho publico, tambe tin consecucionan pa responsabilidad ministerial. Aunke un minister no ta responsabel operacionalmente mas, e ta keda responsabel pa salvaguardia interes publico. Esaki ta rekeri un variedad di herment manera regulacion (leynan), clausulanan pa contractnan, regulacion di mercado,Codigo di (bon) Gobernacion y un mecanismo efectivo di monitoreo y cumplimiento. E escogencia pa instrumentonan specifico ta depende di e importancia di efectividad, eficiencia, legitimidad democratico, seguridad legal y igualdad legal den relacion cu interes publico.

Supervision adecua ta esencial pa un gobernacion efectivo. Supervisando e ehecucion di tareanan publico door di entidadnan independiente, un minister ta cumpli cu su responsabilidad. E supervision aki ta encera cumpli cu normanan legal, rekisitonan di calidad, seguridad, salud publico, normanan ambiental y garantiza interes publico. Regulacion- cla y acuerdonan contractual ta necesario pa un supervision solido.

Ta importante pa establece un kader general di maneho pa NV- y entidadnan huridico di gobierno(publiekrechtelijke rechtspersonen). E kader aki mester promove integridad, eficiencia y solidez sin afecta operacionnan diario. E mester inclui standard pa control y balansa (checks & balances) interno, obligacion pa

responsabilisa e entidad (verantwoordingsplicht), formulacion di statuto, reglanan di compatibilidad y e rol di organisacionnan di audit, manera Algemene Rekenkamer.

RvA ta enfatiza repetidamente e importancia di checks & balances pa un maneho financiero solido y proteccion di e stakeholders. Un maneho responsabel pa cu dividendo y reservanan ta crucial pa garantiza un posicion di capital saludabel. Directornan capacita y un Consejo di Supervision experto sin interferencia politico ta esencial p'e transparencia, integridad y exito di e entidadnan aki.

E falta di standard concreto den e disposicion legal ta un reto, ya cu esaki por conduci na un decision arbitrario y ambiguidad riba e standard cu lo wordo uza. E situacion financiero di NV- y entidadnan huridico di gobierno manera Serlimar, Arubus NV y Post Aruba NV ta keda preocupante. Gobierno hopi biaha mester brinda asistencia financiero, cu ta trece riesgo p'e desempeño di debenan publico y interes di e ciudadanonan.

E maneho di subsidio tin debilidad, incluyendo un panorama fragmenta y falta di claridad tocante e metanan y e efectividad di e maneho. Un kader normativo general pa NV- y entidadnan huridico di gobierno mester contribui na mas transparencia, integridad y eficiencia den e organisacionnan aki.

RvA ta enfatiza e necesidad di un motivacion solido y un hustificacion financiero den caso di independisacion. Ta necesario pa revisa e rol di e ministernan den caso di entidadnan huridico di gobierno pa garantiza e metanan di privatisacion. RvA ta pidi tambe un kader legal cla pa establece reglanan y un posicion financiero solido pa participacion publico.

Ta evidente cu bon gobernacion (good governance) ta di gran importancia den independisacion y privatisacion. Sinembargo e falta di control y balansa (checks & balances) y sentido di obligacion pa responsabilisa (verantwoordingsplicht) ta mara n'e (falta di) habilidad di gobierno pa enforsa kadernan normativo comun den tur otro parti di mundo. Ta imposibel cu Aruba na 2024 no ta conta cu un propio Codigo di Gobernacion (Goverance Code), den cual e maneho y responsabilidad ta wordo delinea pa Gobierno, NV-nan y entidadnan huridico di gobierno y tur instancia cu ta ricibi financiamiento di fondonan publico.

AWEMainta tin entendi cu e codigo aki ta 'zo goed als klaar' pero a wordo aplasa pa tempo indefini, bou presion di 'stakeholdernan'. Ta interesante pa investiga ken e 'stakeholdernan' aki ta, y pakico e resistencia pa transparencia y responsabilidad.

Agencianan di biahe no kier entrega placa y pasashi JetAir

E anuncio dialuna ultimo cu e compania di aviacion JetAir establece na Corsou a bati bancarota, a sorprende hopi hende pero tin un grupo di ta mas sorprende cu ningun otro hende y esaki a esunnan cu recientemente a cumpra pasashi pa biaha pa Corsou.

Ta bon conoci cu hopi ciudadano di Aruba, amantenan di conciertonan, ta bishita practicamente tur aña e popular festival di North Sea Jazz Festival cu e aña aki a atrae un grupo di artista hopi renombra.

North Sea Jazz Festival ta conta cu entre otro presentacion di Juan Luizx Guerra, Maluma, Marc Anthony, Eros Ramazzotti, Seal, Jennifer Hudson, Afro23, Gregory Porter, AloeBlacc, Jess Stone, Lizz Wright, Kanasi Washington, Gladys Knight, Matteo Mancuso y tambe ChicFT. Nile Rodgers.

Pues un lista formal di tremendo artistanan cu a lanta hopi interes di fanaticonan di Aruba pa bay atende e festival aki cu ta tuma luga na fin di Augustus proximo.

Un punto fastioso di ultimo dianan cu hopi hende cu a cumpra



pasashi pa bula cu JetAir, a ser confronta cu na momento cu nan yama e agencia di biahe cu a 'book' e pasashinan aki, ta nenga di entrega e placa di pasashi bek mientras cu no tin prueba cu e agencianan aki lo a 'transfer' e placa caba p'e compania di JetAir.

Ta di spera cu e agencianan di biahe aki haci lo corecto y entrega placa di pasashi di ciudadanonan di Aruba cu a reserva y paga mesora n'e agencianan aki caba!!

**Gana Un Trip pa
FINAL COPA AMÉRICA**

CU TUR COS PAGA!

JOIN POSTPAID U
AWOR CU MAS DATA, MAS BENEFICIO Y
YAMADA ILIMITA PA SETAR

SETAR

Eagle LNG

Minister Glenbert Croes den otro caso casi igual cu Racetrack

UN dicho popular den e idioma Papiamentu, ta bisa lo siguiente: *“ni con lihe un mentira ta, e berdad lo alcansa esaki na cualkier momento,”* caminda mas y mas esaki lo bira e caso contra e dos gobiernonan di Prome Minister Evelyn Wever-Croes den futuro cercano.

Un rapport presenta pa TNO cu ta nifica ‘*Toegepaste Natuurwetenschappelijke Onderzoeken*’ relaciona cu e plan di gobierno di Aruba, pa yega na un proceso di transicion pa yega na uzo mas tanto di energia berde sigur pa loke ta uzo di electricidad.

AWEMainta tin cu mostra cu aki tin cierto situacionnan cu ta hiba hende pa pasado, pa tempo di e famoso proyecto di ‘Racetrack’ pa San Nicolas y cu nunca a wordo realisa pero si a costa Gobierno di Aruba, miyones di dollar cu e desaroyado, Rafael Sanchez den feliz memoria, hunto cu algun comerciante local, kier a construi.

E proyecto no a cana bon pero den henter e proceso aki, Glenbert Croes como Minister den Gabinete Henny Eman e tempo ey, tambe a participa pa trata di ehecuta e proyecto aki y mas despues a toca su ruman Juni Croes den su calidad tambe di Minister den mesun gobierno.

Na final di cuenta e proyecto aki cu nunca a wordo realisa, a costa pais Aruba e suma total di \$20.512.626 cu ta alrededor di 39 miyon florin Arubano.

Di con ta menciona e caso aki, ta pa motibo di un paragrafo cu a Sali den e rapport di TNO cu a bisa lo siguiente di otro proyecto cu ta bay bou di Minister Glenbert Croes, casi 25 aña pasa y cu ta bisa lo siguiente:

“Verdere verduurzaming van de elektriciteitsproductie in Aruba wordt beperkt door een recent afgesloten contract voor LNG. Er is weinig publiekelijk bekend over de leveringsovereenkomst voor LNG. Uit interviews hebben we begrepen dat er take-or-pay afspraken gemaakt zijn voor een hoeveelheid LNG voor ongeveer 50% van de elektriciteitsproductie en dat de overeenkomst een duur heeft van 20 jaar.

Dat betekent dat er tot 2046 of 2047 additionele kosten zijn voor het verhogen van het aandeel hernieuwbare elektriciteit boven de 50%, omdat de LNG bij lagere afname toch betaald moet worden.

Na 2047 kan het aandeel hernieuwbaar dan verder verhoogd worden met meer wind- of zonne-energie. Hierbij is de beperkte beschikbare ruimte in Aruba een beperkende factor.”

Pues Minister Glenbert Croes y Gabinete Wever-Croes a mara e pais aki na un contact di 20 aña sin cu ainda

un hende, sin cu ningun hende sa kico esaki ta encera, kico ta loke Aruba lo tin cu paga y kico pueblo di Aruba lo beneficia for di e acuerdo aki.

Djis pensa c’un institucion manera TNO ta pone no uno pero varios *“vraagtekens”* na e acuerdo aki, ta bolbe duna e impresion cu atrobe mesun situacion cu tabatin den pasado cu e ‘racetrack,’ awor gobierno di Aruba lo wordo confronta cu esaki dado caso gobierno dicidi di kibra e NDA cu a wordo firma cu e compania di Eagle LNG. Añanan ta pasando y no tin ningun indicacion cu e compania aki lo cumpli y Minister Glenbert Croes cada bes ta bin dilanti y menciona cu inicio di e proyecto aki ta cerca pero no tin algo concreto cu por cay riba dje.

Ta mas cu claro cu tin cu pensa den mesun tipo di structura pa no yama esaki *“triki”* cu a ser uza den e caso di ‘racetrack’ caminda e dos testigonan cardinal den e caso aki contra di gobierno di Aruba, tabata e rumannan Glenbert Croes y Juni Croes kendenan ambos a forma parti di Gabinete Henny Eman I y II, loke a haci e diferencia den e decision di Corte na Merca.

Ta lanta e pregunta awor cuanto miyon pais Aruba lo tin cu paga den futuro si dicidi di no sigui cu Eagle LNG mas, cual compania tin un supuesto contract di 20 aña confirma segun e rapport di TNO.

Join our team

Guardian Group Fatum Aruba
is looking for an

Administrative Officer Pension & Life Insurance.

You’ll be responsible for executing administrative activities in a timely and accurate manner, such as those related to the policy. You are also responsible for claims administration and answering customer questions related to the assigned administrations. This should be in line with (departmental) guidelines, procedures and work instructions in such a way that the data is correctly administered.

Furthermore, you are responsible for timely available policies and solving internal and external questions and problems, as well as optimally supporting colleagues in their jobs.

Scan for more information and direct
online application.
Or visit www.myguardiangroup.com
and click on the ‘careers’ tab to apply.



More info



live easy




Tormenta tropical Alberto a forma den golfo di Mexico

TORMENTA tropical Alberto a forma den e parti west di e golfo di Mexico na ultimo ora di diaranson mainta, segun National Hurricane Center (NHC). Alberto tin biento sosteni di 65 km/h y te asina leu ta 475 kilometer leu di Brownsville, Texas, te na ora di tuma e midimento aki. E t'e prome tormenta cu number di loke probablemente por converti den un temporada hiperactivo di horcan den Atlantico, yegando basicamente segun e cronograma premira.


Den un promedio, e prome tormenta tropical di Atlantico lo forma awe dia 20 di juni, segun NHC.

Ta spera cu Alberto pasa lentamente pa west



y acerca n'e costa noroost di Mexico durante anochi, pero ya e ta azotando e costa di Texas cu biento cu forma di tormenta tropical, awasero torencial y ola ciclonico. Ta probablemente cu e toca tera na Mexico durante anochi, aumentando e peliger pa esunnan cu ta den e zona di impacto inmediato. Alberto lo produci precipitacion total di 12 pa 24 cm a lo largo di noroost di Mexico te na zuid di Texas, cu maximo cu por yega 38 cm pa diahuebs. E precipitacionnan probablemente lo provoca inundacion repentino y urbano, como tambe crecemento di awa, Tambe ta posibel cu por produci coremento di tera den e zonanan mas halto di noroost di Mexico.

Na Aruba, aunke tormenta tropical Alberto no ta presenta un menasa directo, autoridad meteorologico ta vigilando su desaroyo di cerca. Mirando cu Alberto ta e prome tormenta nombra di e temporada y ta spera un actividad abnormal den Atlantico, e habitantenan di Aruba y di e resto di Caribe ta den alerta y tumando e medidanan preventivo. Gobierno di Aruba a pidi e ciudadanonan pa ta prepara y keda informa riba e progreso di e temporada di horcan, subrayando e importancia di e preparacion y e vigilancia continuo n'e posibel eventonan meteorologico adverso.



STICHTING VOOR VOLKSHYGIËNE VAN
Het Wit Gele Kruis Aruba
Sinds 1959 ten dienste van de Arubaanse gemeenschap
Postbus 488, Oranjestad

Gezien de groeiende vraag naar psychische, psychosociale en/ of psychosomatische ondersteuning ziet Land Aruba een belangrijke rol weggelegd voor de functie praktijkondersteuner huisartsen geestelijk gezondheidszorg (POH-ggz). Deze functie heeft een laagdrempelig karakter en zal de eerstelijnszorg versterken. Om op Aruba een substantiële impuls te geven aan deze functie zoeken Het Wit Gele Kruis Aruba (WGK) en de Huisarts Vereniging Aruba (HAVA) meerdere/7 sollicitanten voor de functie van:

PRAKTIJKONDERSTEUNER HUISARTSEN GEESTELIJK GEZONDHEIDSZORG (POH-GGZ)

Vind je het belangrijk om zorgvuldig, integer en met oprechte belangstelling samen te werken om zo kwalitatief goede en laagdrempelige geestelijke gezondheidszorg (ggz) te geven aan mensen met psychische en/of verslavingsproblematiek? Dan willen we graag met je in gesprek!

Wat houdt het werk in?

Als Praktijkondersteuner huisarts GGZ (POH-ggz) ondersteun je de huisarts bij de begeleiding en behandeling van mensen met psychische, psychosociale en/ of psychosomatische problematiek. Je hebt hierbij een signalerende, coördinerende en interveniërende functie en bent in staat tot transmurale en multidisciplinaire samenwerking. Je werkt vanuit de visie positieve gezondheid en met een systemische blik. Als POH-ggz werk je zelfstandig onder verantwoordelijkheid van de huisarts.

Samenwerking met de huisarts en ketenpartners (sociaal domein, basis en specialistische ggz) is essentieel. Dit conform de NHG-standaarden.

Wij zoeken iemand met

- Een afgeronde (post-)HBO en/of MBO 4 diploma in de richting van Verpleegkunde, SPH, Maatschappelijk werk, Toegepaste psychologie (met afstudeerrichting ggz) of een universitaire opleiding Psychologie of Orthopedagogiek. En de bereidheid de opleiding POH-ggz te volgen.
- Aantoonbaar minimaal 2 jaar werkervaring in de zorg voor mensen met psychiatrische problemen.
- Iemand die gestructureerd kan denken, werken, goed kan samenwerken en in staat is tot professionele- en zelfreflectie.
- Communicatief en sociaal vaardig
- Vaardigheid in de talen Nederlands en Papiamentu, alsmede affiniteit met de Arubaanse cultuur.

Wat bieden wij jou?

- 40 uur per week in een huisartsenpraktijk en tijdens opleiding stage lopen bij Stichting HUNTO en Respaldo.
- Goede salariering en aantrekkelijke secundaire arbeidsvoorwaarden.
- Opleiding POH-ggz inclusief coaching en diverse trainingen/ bijscholingen.
- Dynamisch en gedreven team met getalenteerde collega's uit Aruba, Bonaire en Curaçao.

Interesse?

Stuur een korte motivatiebrief waarom je dit werk wil doen en je CV voorzien van referenties naar j.mora@witgelekruisaruba.org, uiterlijk 25 juni 2024. Alle sollicitaties zullen strikt vertrouwelijk behandeld worden.

Meer informatie over deze opleiding kunt je vinden op [Mental Health professional POH-ggz-Caribbean-Rino Zuid](#)

Despues di reunion
historico cu REPSOL:
**Cu realisacion di e
proyecto di Repsol
nos ta creando
un futuro nobo**

MINISTER di Energia Glenbert Croes hunto cu director di RDA/FMSA, director di WEB y director di Utilities Aruba NV, a reuni cu e compania di energia Repsol basa na Madrid. Durante e reunion a delibera riba e diferente oportunidadnan cu tin, den cuadro di transicion energetico, proyectonan di energia renobabel y riba e tema di re-activacion di e patio di tankinan di RDA.

Minister Croes a califica e reunion aki como uno historico pa Aruba pasobra “*cu realisacion di e proyectonan aki nos ta creando e futuro nobo cu nos futuro generacion tin derecho riba dje*”.

Minister Croes a indica cu e oportunidadnan aki, lo yuda pais Aruba cu un actividad economico impresionante pero totalmente diferente na e tempo di refineria. E ta un aspecto cu ta duna un impulso economico diferente na loke turismo tabata, a representa y lo keda representa pa desaroyo economico di pais. Hunto cu e realisacion di e Aruba Hydrogen Valley, Gobierno di Aruba ta tumando un rumbo energetico cu lo bay bira un pilar economico di gran importancia, mirando cu e lo genera prosperidad economico pa e comunidad di Aruba en general.

“*Repsol ta un di e empresanan di energia mas grandi na mundo, y nan interes expresa den Aruba pa por realisa e diferente proyectonan aki, ta un gran bendicion, y mas cu tur cos un paso historico. E representantenan di Repsol pronto lo ta na Aruba, na unda nos lo tin e oportunidad di presenta na e diferente proyectonan. Mi ta inmensamente orguyoso cu nos a haya e oportunidad aki, pasobra cu realisacion di e proyectonan aki nos ta creando e futuro nobo, cu nos futuro generacion tin derecho riba dje*”, Minister Croes a termina.








En conmemoración del Día Mundial del Refugiado, únete a nosotros para celebrar la solidaridad, la diversidad y el espíritu comunitario. Participa en nuestra

**FERIA
MULTICULTURAL**

- ◆ Mesa de Información
- ◆ Rincón de Diversidad Cultural
- ◆ Zona Infantil
- ◆ Música y Presentaciones Culturales en Vivo

Fecha: 22 junio de 2024

Hora: de 4PM a 7PM

Lugar: Centro di Bario Playa Pabao

Por un mundo que acoja a las personas refugiadas.

Trabajando
Juntos



HIAS

Acoger al extranjero.
Proteger al refugiado.

BARIO UNICO

CEDE ARUBA

CENTRO PA DESARYO

VENEARUBA SOLIDARIA

PADEF



DI TODO UN POCO PA REFLEXIONA

SIMAN pasa riba mesun dia, tabatin dos sentencia den Corte Comun di Husticia cu a hala atencion. E prome tabata e caso cu Minister Endy Croes a cuminsa contra Headlines Group (Mark Bensen y Patrick Paskel), unda a demanda pa rectificacion y pa stop di acusa famia di e Minister, di a sa di enrikece su famia.

Tambe na Corsou, unda Minister Charles Cooper a entama contra di e lider politico di UP, Elvis de Andrade, kende no tin representacion den Parlamento di Corsou, pero ta keda un ciudadano critico riba maneho di Gobierno actual. Nos no kier bay den detaye di e veredicto, pero si kier menciona cu den ambos caso Hues a laga sa di mester sa di respeta Derecho di Expresion. Cu si bo a scoge pa bira politico/gobernante, bo mester por sa di wanta critica.

Y den ambos caso e señalamiento aki a keda notifica. P'esey si mañan bo kier ta un Gobernante, bo mester tin un lomba hanchu pa haya tur tipo di critica, semper basa riba berdad y respet, sin di tin di bay den ofensa.

NOS palabra di felicitacion ta bay na tur estudiante cu a logra final di nan aña escolar cu exito. Hopi di nan ta boga pa bay studia afo tambe, maske cu nos tin bon Universidad pa sigui nan estudio avansa na Aruba mes. Y esnan cu no kier studia mas y kier drenta mercado laboral, mester t'e promenan pa haya dicho oportunidad.

UN conocedo ciudadano a duna nos di conoce cu el a bishita laboratorio pa haci un test rutinario. Loke anteriormente ta tuma luga den mei ora, awor ta tuma sigur un ora of mas. Y loke ta mas yamativo, e cantidad di hende di habla Spaño. Manera dicho ciudadano a declara n'e recepcionista tabata cu otro biaha e ta bin cu un woordenboek na Spaño. Aruba ta wordo reconquista pa Spañonan. Esaki a keda manifesta tambe den relatonan di Nacionnan Uni.

DURANTE conferencia di ILO, loke sigur a hala atencion tabata ora cu Presidente di Sindicato di Enfermeria (ABV),

Gina Maduro a expresa den sala di reunion, cu un parcarta cu ta bisa: *"There is no justice, without gender justice"*.

GINA Maduro ta forma parti di e Comision Decend Work Care Economy, unda conclui cu un relacion tri-partidismo ta masha importante pa logra acuerdonan cu tin sosten di gremio sindical, gremio comercial y Gobierno pa bienestar di nos pais. Te awor, e tri-partidismo no tabata/ta funciona bao di Gabinete EWC I ni II.

MAS y mas tin informacion cu Prome Minister EWC no ta nada contento cu su amiga, PG, kende el a nombra den dicho funcion pa loke a pasa siman pasa na Cocolishi, ora cu Husticia a haci un entrada hudicial.

DI acuerdo cu e corant di MEP, Solo di Pueblo, husticia a faya durante e inval na Bestuurskantoor. Dos persona a wordo busca na oficina di Minister Glenbert Croes, pero kendenan no ta traha mes na dicho oficina. Con Husticia, esta PG, Ministerio Publico, Polis, Landsrecherche y RST por a haci e kibocacion aki? E hecho aki tabata un eror of intencional?

MESTER bisa si, cu te awe PG, y/of Ministerio Publico no a bin afo y splica nan accion. No a yama ni un conferencia di prensa pa sa kico ta kico.

JETAIR, un compania di aviacion di Corsou a declara su mes bancarota. Cu e consecuencia di a laga un cantidad di hende sin comunicacion aereo entre e islanan y cu algun pais den region.

Loke cu sigur ta hala atencion, pa cual tin sigur un cantidad di Arubiano cu a cumpra nan ticket caba, ta pa bay Caribbean Sea & Jazz Festival, cu ta un di e festivalnan mas gusta pa nos hendenan. Kico lo bay pasa awor?

PAPIANDO di festival, ATA a tuma decision cu lo no patrocina e Soul & Beach Festival cu ta tuma luga tur aña na luna di mei. Kico t'e motibo exacto pa dicho cancelacion no ta conoci pa nos. Hecho ta cu e festival aki ta trece masha hopi hende cu ta laga masha dollar den circulacion den nos economia.

ATA a laga sa cu nan ta buscando otro forma di atrae mas turista den e periodo di Memorial Day.

DESPUES di tur protesta cu tabatin contra abuso di mucha, te hasta e actual Prome Minister Evelyn Wever Croes a declara cu unabes den Gobierno, e si sa di haci cambio den e ley pa aumenta castigo di e abusado.

Awe 7 aña mas leu, no tin ningun cambio haci, te cu un biahe mas Stichting End Child Abuse: Ta Basta a laga sa: *"Ki dia Parlamento di Aruba ta haci un reunion publico tocante e topico di abuso di mucha?"* Un biahe mas a keda demostra cu Aruba tin un Parlamento cu no ta funciona at all.

E fundacion aki for di su fundacion na 2020, a bin ta pidi reunion tras di reunion, pero nan ta ser ignora. Nan ta considera cu tin un eror no solamente di parti di Gobierno, pero tambe di Parlamento, cu mester sa di controla Gobierno mucho mas.

Parlamento mas bien ta pensa riba nan biahamiento pa exterior, p.e. pa reunionnan di IPKO, Parlatino, Euro-Parlement etc. Tur e reunionnan aki no ta nada positivo agrega. Cada un cu bay, ta zakgeld di 450 dollar pa dia. Esey si ta bon.

LEY pa matrimonio di mesun sexo, a cay na awa, despues cu ayera un biahe mas e votacion a sali 10-10. Un biaha mas Parlamentario Shaliny Tromp-Lee a abstene di vota. Awor ta depende di veredicto di Corte di Hoge Raad, cu dia 21 di juli awor lo duna su veredicto.

E grupo LGBTQ+ a keda masha decepciona, alegando cu democracia a faya. Lo mester bay traha un ley completamente nobo, cu e Parlamento den su constelacion actual lo no trata, pero e Parlamento nobo, despues di eleccion di otro aña.



CARIBBEAN CINEMAS
VIP
A PREMIUM EXPERIENCE

Caribbean Cinemas
PASEO HERENCIA

COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

☎ **787-999-3292**

📷 @caribbeancinemasaruba

📺 Caribbean Cinemas Aruba

DOWNLOAD OUR APP

GET IT ON Google Play

Download on the App Store

Merca ta condena China pa choke riba South China Sea cu un boto Filipino



MERCA a condena China dialuna despues di un choke entre barconan Chines y Filipino den e lama disputa di Sur di China. E incidente aki t'e ultimo den un serie di enfrentamento cu ta menasa di aumenta tension den e region marino vital.

Un boto Chines a boks cu un boto di suministro Filipino cerca di e Second Thomas Shoal n'e Islanan Spratly. E dos nacionnan a culpa otro p'e incidente, cu ta enfatisa e disputa teritorial cu ta tumando luga. China ta afirma un *"soberania indiscutibel"* riba casi henter e South China Sea, un reclamo impugna pa varios pais, incluyendo Filipinas.

Embahador Mericano na Manila, MaryKay Carlson, a critica e *"maniobra agresivo y peligroso"* di China, cu segun e, a causa lesion y a dañá barconan Filipino. Mientras cu no a reporta oficialmente herido ni daño, e choke ta sigui despues di advertencia di presidente Filipino Ferdinand 'Bongbong' Marcos Jr., kende a indica cu e morto di un ciudadano Filipino den tal incidentenan por wordo considera un acto di guerra.

Marcos a fortalece e liga cu Merca, enfatisando e tratado di defensa mutuo cu ta obliga e dos nacionnan pa defende otro si nan wordo ataca. Merca a reitera su *"compromiso ferviente"* cu e tratado aki memey di e enfrentamento creciente entre Manila y Beijing.

E vocero di Departamento di Estado Mericano, Matthew Miller, a condena e accionnan di China y a yama nan *"escala y irresponsabel"*. Vice-Secretario di Estado, Kurt

Campbell, tambe a discuti e incidente cu funcionarionan Filipino, denunciando interferencia di China den operacionnan marino legal.

E guardia di costa Chines a declara cu e barco Filipino a ignora e advertencianan y a acerca un barco Chines imprudentemente, loke a causa e choke. Di otro banda, e autoridadnan Filipino a acusa China di *"maniobra peligroso"* y di infringi su derechonan soberano.

E choke aki ta sigui e implementacion di un ley nobo di China cu a otorga su guardia di costa pa detene barconan stranhero te cu 60 dia sin huicio. E militar Filipino a califica e acusacionnan di China como engañoso, enfatisando e ilegalidad di presencia Chines den nan zona economico exclusivo.

Na 2016, un tribunal internacional a dicidi na favor di Filipinas, invalidando e reclamo extenso di China riba e South China Sea. Sinembargo, Beijing a ignora e veredicto y ta sigui afirma su dominio den e region rico den recurso.

Minister di Defensa di Filipinas, Gilberto Teodoro Jr., a condena e accionnan di China como obstaculonan pa paz y estabilidad den South China Sea y a priminti di proteha integridad teritorial di e nacion. E ultimo choke ta destaca e naturalesa precario di e disputa pa cu e South China Sea y e potencial di conflicto global.

Venezuela ta n'e punto di perde Citgo den bataya Legal

VENEZUELA ta n'e punto di perde Citgo, un compania di refineria di petroleo cu cede na Merca balora na 13 biyon dollar, ya cu su accionnan ta ser subasta pa un corte federal di Merca. Adkiri p'e estado Venezolano na 1990, Citgo tabata un activo clave. Sinembargo, e ta enfrenta likidacion pa motibo di reclamo di 18 creditor pa un total di \$21.3 biyon, vincula na expropiacion y incumplimento di debe bao di Chavismo.

Siman pasa e fecha pa entrega oferta den e di dos ronda di licitacion di corte a termina. Hues Leonard Stark a habri e caminda p'e ofrendanan, rechasando e argumentonan di gobierno Venezolano. Pedro Tellechea, presidente di Petróleos de Venezuela (PDVSA), empresa madre di Citgo, a condena e subasta, calificando esaki como robo y ofensa na soberania di Venezuela.

Na Caracas, medionan estatal ta culpa Merca y e oposicion, puntando particularmente riba e gobierno interino di Juan Guaidó (2019-2021). Nan ta alega cu e administracion di Guaidó a administra malo e recursonan di Citgo, exacerbando e crisis. E economista Francisco Rodríguez a señala cu e accionnan di Guaidó a viola doctrina legal, aumentando e riesgonan pa Venezuela.

Durante e lucha di poder entre Nicolás Maduro y e oposicion, e funcionarionan di Guaidó a administra activonan Venezolano na Merca, protegi pa resolucionnan special di Departamento di Tesoro. Horacio Medina, presidente di PDVSA-ad hoc, ta cuestiona e hallazgo di corte, afirmando cu Citgo tabata bon administra y a genera un ganashi di \$5 biyon.

E perdida di Citgo ta debi n'e nacionalizacion agresivo di activo di ex presidente Hugo Chávez entre 2007 y 2012, cu a genera hopi bataya legal y debe. Na 2008, e minera Canades Crystallex a demanda Venezuela despues cu Chávez a nacionalisa e deposito di oro Las Cristinas. Pa 2019, Crystallex a haya autorisacion pa confisca Citgo como compensacion.



E economistanan manera Alejandro Grisanti ta argumenta cu e incumplimento di Venezuela na 2017 y e strategia hostile n'e tenedonan di bon a empeora e situacion. E destino di Citgo awor ta pendiente di un hilo, ya cu tanto e gobierno Chavista como e oposicion ta comparti responsabilidad p'e crisis economico aki.

Na 2016, Maduro a uza 100% di e accionnan di Citgo como garantia pa prestamo di e tenedonan di bon Rosneft y PDVSA 2020, sin pasa door di Asamblea Nacional.

E situacion legal y maneho compleho aki a culmina den un perdida potencial di biyones di dollar p'e casonan publico di Venezuela.

Reserva Awo!

avianca.com

Ban Medellin!

the sky belongs to all of us

Tur Dialuna,
Diaranson, Diabierna
y Diadomingo

CUMINSANDO NA

US\$100

pa Round Trip

ARUBA AIRPORT AUTHORITY

NATO ta expresa su preocupacion p'e sosten di Rusia n'e programanan nuclear y di misil di Nort Korea



NATO ta birando mas y mas preocupa p'e posibel apoyo di Rusia n'e programanan nuclear y di misil di Nort Korea, Secretario General di NATO, Jens Stoltenberg a bisa ayera. E declaracion aki ta tuma luga ora cu e presidente Ruso, Vladimir Putin, ta embarcando su prome bishita na N. Korea den 24 aña pa reuni cu Kim Jong Un.

Putin a priminti di fortalece e relacionnan comercial y di siguridad cu N. Korea y di apoya nan contra Merca, un aliado di Sur Korea.

Merca a acusa Nort Korea di suministra Rusia “docenas di misil balistico y mas cu 11,000 contenedor di municion” pa su guerra na Ucrania. Stoltenberg a enfatisa cu e conflicto di Rusia na Ucrania ta wordo sosteni p'e aporte di China, Nort Korea y Iran, cu ta ansioso pa mira NATO tambalia.

“Naturalmente, nos ta preocupa cu e posibel sosten cu Rusia ta brinda na Nort Korea den termino di su programanan nuclear y di misil”, Stoltenberg a bisa durante un conferencia di prensa hunto cu secretario di estado di Merca, Antony Blinken. El a enfatisa cu e cumbre di NATO di e proximo luna na Washington lo reforsa ainda mas asociacionnan cu Australia, New Zealand, Sur Korea y Hapon, mustrandو e naturalesa interconecta di e retonan di siguridad na Europa y Asia.

Stoltenberg tambe a enfatisa e necesidad di “consecuencianan” pa China, cu ta sigui comercia normal cu e paisnan Europeo mientras ta apoya e economia di guerra di Rusia. “Nan no por sigui tin relacion comercial normal cu paisnan di Europa y na mes momento alimenta e guerra mas grandi cu nos a mira na Europa desde Segunda Guerra Mundial”, el a bisa.

E Cas Blanco ta monitoreando di cerca e desaroyo di e relacion entre N. Korea y Rusia. E vocero di Siguridad Nacional, John Kirby, a señala un posibel reciprocidad cu por afecta siguridad n'e peninsula di Korea. E vocero di Cas Blanco, Karine Jean-Pierre, tambe a expresa su preocupacion p'e profundisacion di cooperacion entre Rusia y Nort Korea, enfatisando e importancia di mantene paz y estabilidad den e region.

Blinken a bisa cu e biahe di Putin pa Pyongyang ta indica su desespero pa haya sosten pa su guerra na Ucrania, particularmente di paisnan manera China cu ta brinda un yudansa significante n'e industria di defensa di Rusia. Vice-Secretario di Estado Mericano, Kurt Campbell, y Subsecretario di Estado Bonnie Jenkins a expresa nan preocupacion pa loke Rusia por ofrece na N. Korea en cambio di su armanan, incluyendo tecnologia avansa y ekipo militar.



NOW PLAYING



FOR SHOWTIMES AND ONLINE TICKETING, VISIT: CARIBBEANCINEMAS.COM

The Watchers

A 28-year-old artist gets stranded in an expansive, untouched forest in western Ireland. Finding shelter, she unknowingly becomes trapped alongside three strangers who are stalked by mysterious creatures every night.



FOR SHOWTIMES AND ONLINE TICKETING, VISIT: CARIBBEANCINEMAS.COM

Inside Out 2


Joy, Sadness, Anger, Fear and Disgust have been running a successful operation by all accounts. However, when Anxiety shows up, they aren't sure how to feel.



FOR SHOWTIMES AND ONLINE TICKETING, VISIT: CARIBBEANCINEMAS.COM

The Exorcism

A troubled actor begins to unravel while shooting a horror film. His estranged daughter wonders if he's slipping back into his past addictions or if there's something more sinister at play.



FOR SHOWTIMES AND ONLINE TICKETING, VISIT: CARIBBEANCINEMAS.COM

Bad Boys: *Ride or Die*

When their late police captain gets linked to drug cartels, wisecracking Miami cops Mike Lowrey and Marcus Burnett embark on a dangerous mission to clear his name.

For Showtimes and Online Ticketing: www.caribbeancinemas.com

CIENCIA

Estudio PRIME ta avansa den tecnologia di asistencia pa personanan cu Quadriplegia


E estudio PRIME, un prueba cu aparato medico bou investigacion cu a wordo haci na Barrow Neurological Institute, ta logrando avancen significativamente den restauracion di autonomia digital pa personanan cu ta biba cu Quadriplegia. E estudio ta enfoca riba evalua e siguridad y funcionalidad di e interface di cerebro-computador (BCI) di Neuralink, conoci como 'the Link', cu ta enfoca riba mehora control riba e aparatonan digital via señalnan neuronal.

E promete victoria y experiencia di e participantenan:

Un tiki mas cu 100 dia pasa, Noland Arbaugh, e promete participante di e investigacion PRIME, a ricibi su implante Neuralink. E operacion tabata un exito y Noland a regresa cas e siguiente dia. E estudio ta pa demostra e siguridad y practicalidad di e Link den bida diario, monitoreando su prestacion remotamente y evaluando su impacto riba calidad di bida di e participantenan.

Noland anteriormente tabata depende di un 'stylus pen' pa tablet cu e tabata opera cu su boca, cu tabata rekeri asistencia di su cuidadonan y tabata causa molesternan y fatiga muscular. Cu Link, e por controla su laptop y otro aparatonan digital for di diferente posicion, hasta na cama, cu ta mehora su independencia y comodidad.

"E cos mas importante cu comodidad ta cu mi por drumi den mi cama y usa [E Link]", Noland a comparti. "Tur otro tecnologia di asistencia mester a conta cu yudansa di un otro hende of mi mester ta sinta. E Link ta permiti mi biba riba mi mes tempo."



Compromiso digital mehora:

Desde e operacion, Noland a uza e Link pa participa den actividadnan cu antes tabata imposibel p'e. E ta controla su laptop, ta hunga wega online manera Chess y Civilization VI, ta surf riba Internet, ta transmiti live y hasta ta hunga Mario Kart riba un Nintendo Switch. E libertad digital nobo aki a reconect'e cu su amigonan y famia, reduciendo su dependencia di e apoyo constante di e cuidadonan.

"E Link a yuda mi reconecta cu mundo, mi amigonan y mi famia. El a duna mi e capacidad pa haci cosnan riba mi mes atrobe sin mester di mi famia tur ora di dia y anochi", Noland a bisa.

Ehecucion tecnico y metanan futuro:

Durante e sesionnan di investigacion, Noland ta contribui te cu 8 ora pa dia di dialuna pa diabierna, y e uzo personal ta surpasa 10 ora den weekend. Su prestacion den BCI a muestra mehoracion impresionante, cu su capacidad pa controla un cursor estableciendo un record mundial nobo p'e control humano di e cursor BCI na 4.6 bit pa

seconde (BPS), logrando despues 8.0 bps.

A pesar di algun reto tecnico, manera retraccion di e hilonan di e cerebro, mehoracion den e algoritmo di grabacion y e interface di usuario a conduci na mehoracion sostenibel den e rendimiento. E ekipo tin intencion pa iguala e capacidad di control di e cursor di personanan sano y pa expande e funcionalidad di e Link pa inclui entrada di texto y control di aparatonan fisico manera brasa robótico y rolstoel.

Tocante e comunidad Neuralink:

Neuralink ta dedica na avansa tecnologia di asistencia p'esnan cu necesidad di asistencia medico. E investigacion PRIME ta un paso importante pa duna mas autonomia y pa mehora e calidad di bida di personanan cu quadriplegia.

"Mi ta kere cu mi mester duna hopi hende hopi speranza di loke esaki por haci pa nan, mas cu nada den nan experiencia di 'gaming', pero despues esey lo traduci den hopi mas y mi ta kere cu esey ta increibel", Noland a conclui.



CROACIA vs ALBANIA



ALBANIA ta sigui pone nan stempel den e Euro Cup aki. E biaha aki, tablando contra di e ekipo di Croacia. Un Croacia cu no ta logrando haya su ritmo. Of t'e defensa prepara pa nan ta demasiado bon?

Albania ta bolbe bay ariba basta trempa den e prome tempo, pa ser exacto na di 11 minuut. Croacia ta logra tabla esaki na di 74 y atrobe cu un "own goal" di Gjasula, ta bay ariba na di 76 minuut. E mes un hoben aki, Gjasula ta marca un otro gol den di 95 minuut p'asina tabla e wega.

Ta prome biaha den historia di futbol cu e mes un persona ta score un gol na ambos banda di veld. Sigur no un record cu Gjasula ta contento cu ne. Cu e resultado aki, ambos Albania y Croacia mester gana nan ultimo partido cual sigur lo no ta uno facil pa ambos. Albania lo enfrenta Spaña y Croacia lo mester enfrenta e campeón actual, Italia

ALEMANIA vs HUNGRIA



UN Hungria cu hamber pa gana y un Alemania, na cas, loco pa demostra dicon nan t'e favorito pa gana e torneo. Maske cu

Alemania ta logra gana cu un score di 2-0, y asina tambe bira e prome pais pa clasifica p'e rond di e 16 miho nan di Europa.

Por a nota e decepcion den e cara di e hungado nan di Hungria. E medio campista, Dominik a duna su pensamiento despues di e wega. *"E resultado no ta loke nos a pensa. Mi ta pensa nos actitud tabata bon, e nivel y speed di nos wega tabata OK, nos a traha nos oportunidad nan pero no a termina esaki. Nos a defende bon pero loke hopi ta lubida cu nos a hunga contra e ekipo nacional di Alemania. Nan calidad ta hopi halto. Nos a duna tur loke nos tabata tin pero e no tabata suficiente"*.

Awo ta keda e ultimo wega di pool A, caminda Alemania lo enfrenta Suisa y Scotland contra Hungria. Ambos wega ta tuma luga dia 23 juni pa 3or di atardi

SCOTLAND vs SUISA



UN wega basta balansa, cual tabata di spera. 2 pais cu ta purbando constantemente di pasa p'e siguiente buelta pero no ta logra. Cada un a traha na oportunidad nan. Suisa a traha hopi mas chens pero no ta logra hinc e gol necesario.

E 2 ekiponan aki a topa otro asina hopi biaha cu nan ta bon prepara. Te cu awe, Scotland a gana 8 biaha y Suisa 5. En total 4 empate entre nan.

Cu e resultado aki practicamente Scotland ta for di e competencia debi cu nan tin 2 perdi caba. Suisa ainda tin un oportunidad ya cu nan a gana contra di Hungria. Suisa tin 4 punto y nan ultimo partido ta contra di Alemania cual no lo ta nada facil pa nan. Un pase sigur lo ta sali victorioso den e partido ey, sino nan lo depende di e resultado entre Scotland y Hungria.

Grupo A

14 Juni 2024

Alemania

5-1

Scotland

15 Juni 2024

Hungria

1-3

Suisa

19 Juni 2024

Alemania

2-0

Hungria

19 Juni 2024

Scotland

1-1

Suisa

23 Juni 2024

Suisa

Alemania

23 Juni 2024

Scotland

Hungria

Grupo B

15 Juni 2024

España

3-0

Croacia

15 Juni 2024

Italia

2-1

Albania

19 Juni 2024

Croacia

2-2

Albania

20 Juni 2024

España

Italia

24 Juni 2024

Albania

España

24 Juni 2024

Croacia

Italia

Grupo C

16 Juni 2024

Slovenia

1-1

Dinamarca

16 Juni 2024

Serbia

0-1

Inglaterra

20 Juni 2024

Slovenia

Serbia

20 Juni 2024

Dinamarca

Inglaterra

25 Juni 2024

Inglaterra

Slovenia

25 Juni 2024

Dinamarca

Serbia



Rond di 16

29 Juni 2024 - Wega 38 - Runner up Grupo A vs Runner up Grupo B

29 Juni 2024 - Wega 37 Ganado Grupo A vs Runner up Grupo C

30 Juni 2024 - Wega 40 Ganado Grupo C vs 3de Grupo D/E/F

30 Juni 2024 - Wega 39 Ganado Grupo B vs 3de Grupo A/D/E/F

1 Juli 2024 - Wega 42 Runner up Grupo D vs Runner up Grupo E

1 Juli 2024 - Wega 41 Ganado Grupo F vs 3de Grupo A/B/C

2 Juli 2024 - Wega 43 Ganado Group E vs 3de Grupo A/B/C/D

2 Juli 2024 - Wega 44 Ganado Grupo D vs Runner up Grupo F



Stimami. Sterilisami.

REGISTRA AWO

Y BENEFICIA DI NOS SUBSIDIO CU TA
CUBRI TE CU 45% DI E COSTO DI
STERILISACION DI BO MASCOTA Y UN
MICROCHIP GRATIS!

PA MAS INFORMACION BISHITA:
WWW.STIMAMISTERILISAMI.COM



Kwart Final		
5 Juli 2024 - Wega 45 - Ganado Wega 39 vs Ganado Wega 37		
5 Juli 2024 - Wega 46 - Ganado Wega 41 vs Ganado Wega 42		
6 Juli 2024 - Wega 48 - Ganado Wega 40 vs Ganado Wega 38		
6 Juli 2024 - Wega 47 - Ganado Wega 43 vs Ganado Wega 44		

Semi Final		
9 Juli 2024 - Wega 49 - Ganado Wega 45 vs Ganado Wega 46		
9 Juli 2024 - Wega 50 - Ganado Wega 47 vs Ganado Wega 48		

Final		
14 Juli 2024 - Ganado Wega 49 vs Ganado Wega 50		



Grupo D		
16 Juni 2024		
Polonia	1-2	Hulanda
17 Juni 2024		
Austria	0-1	Francia
21 Juni 2024		
Polonia		Austria
21 Juni 2024		
Hulanda		Francia
25 Juni 2024		
Hulanda		Austria
25 Juni 2024		
Francia		Polonia

Grupo E		
17 Juni 2024		
Rumania	3-0	Ucrania
17 Juni 2024		
Belgica	0-1	Slovakia
21 Juni 2024		
Slovakia		Ucrania
22 Juni 2024		
Belgica		Rumania
26 Juni 2024		
Slovakia		Rumania
26 Juni 2024		
Ucrania		Belgica

Grupo F		
18 Juni 2024		
Turkia	3-1	Georgia
18 Juni 2024		
Portugal	2-1	Czech R
22 Juni 2024		
Georgia		Czech R
22 Juni 2024		
Turkia		Portugal
26 Juni 2024		
Georgia		Portugal
26 Juni 2024		
Czech R		Turkia

DEPORTE

deporte@awemainta.com

Den e wegá inaugural di Eredivisie

Robin van Persie ta debuta como trainer di Heerenveen contra Ajax



ROBIN van Persie ta cla pa haci su debut como trainer di SC Heerenveen contra Ajax den e prome rond di e temporada nobo di Eredivisie. KNVB a anuncia e wegáan riba diamars, revelando cu e prome wegá di Van Persie como trainer lo ta un encuentro di riesgo halto contra Ajax riba diadomingo 11 di augustus.

Van Persie, di 40 aña, kende a firma un contract di dos aña cu Heerenveen luna pasa, ta asumi su prome papel como hefe di entrenamiento. E partido inaugural contra Ajax tambe lo mira Francesco Farioli debuta como trainer nobo di Ajax. E wegá na Johan Cruyff Arena ta programa pa 16:45, sirbiendo como e wegá final di e prome rond.

E temporada di Eredivisie ta cuminsa diabierna 9 di augustus pa 20:00 cu un wegá entre FC Groningen y NAC Breda, tur dos a subi n'e categoria mas halto e temporada pasa.

E campeon actual, PSV, lo hunga su prome wegá riba diabierna 10 di augustus pa 21:00 contra RKC Waalwijk na cas. E mesun dia, Feyenoord lo ricibi Willem II, campeon di Keuken Kampioen Divisie di e temporada pasa, pa 16:30.

KNVB lo anuncia e calendario completo riba diabierna pa 9:00. Keuken Kampioen Divisie, e di dos division di futbol Hulandes, tambe lo cuminsa riba 9 di augustus cu un total di seis wegá.

E nombramento di Van Persie como hefe di entrenamiento di Heerenveen ta marca un punto di encuentro significativo den su carrera despues di esun di hungado. Conoci pa su dianan ilustra como hungado cu Feyenoord, Arsenal, Manchester United y Fenerbahçe, Van Persie awor ta enfrenta e reto di traduci su éxito riba tereno den logronan di maneho.

Fanaticonan ta ansiosamente spera con Van Persie lo bay den su puesto nobo y si e por hiba Heerenveen na un temporada exitoso. E enfrentamento contra Ajax sin duda lo ta un bautismo cayente p'e trainer nobo, preparando e escenario pa un temporada emocionante di Eredivisie.


Na momento cu e apertura di temporada ta yegando, e comunidad di futbol Hulandes ta yen di entusiasmo, ansioso pa mira con e maneho nobo lo influencia e dinamica di e liga.





Dricus Du Plessis vs. Israel Adesanya

Dana White ta anuncia evento principal pa UFC 305



CEO di UFC, Dana White, a anuncia riba The Jim Rome Show cu e titulo di peso mediano lo ta den wega durante UFC 305, cu campeon Dricus Du Plessis enfrentando ex campeon Israel Adesanya. E evento ta programa pa 17 di augustus na RAC Arena na Perth, Australia.

“17 di augustus na Perth. Awor e ta oficial”, White a declara, confirmando e confrontacion hopi spera.

E pelea aki ta marca e prome defensa di e titulo di Du Plessis desde cu el a reclama e faha di Sean Strickland na UFC 297 na Toronto na januari ultimo. Adesanya, un figura dominante den e division di peso medio, lo purba di bira e prome bringado desde Randy Couture pa sigura tres titulo separa den e mesun division.

Rac Arena na Perth lo t’e anfitrión pa UFC 305, haciendo esaki e di tres biaha cu e ciudad ta anfitriona un evento di Pay-Per-View di UFC. E eventonan anterior, UFC 221: ROMERO vs. ROCKHOLD na februari 2018 y UFC 284: MAKHACHEV vs. VOLKANOVSKI na februari 2023, tabata un gran éxito, cu UFC 284 estableciendo un record den asistencia.

E enfrentamento entre Du Plessis y Adesanya ta priminti di ta un encuentro emocionante. Du Plessis, conoci pa su estilo di bringa agresivo y resistencia, a subi rapidamente den e rangonan pa bira e campeon di peso mediano. Adesanya,

famoso pa su habilidad sorprendente y perspicacia tactico, ta ansioso pa reclama e titulo y consolida ainda mas su legado.

Durante e entrevista, White tambe a trata otro topiconan cayente den mundo di UFC, incluyendo e futuro di Conor McGregor, e retonan pa sigura reemplazo di eventonan principal poco prome tanto pa UFC 303 como pa UFC Saudi Arabia, y e reciente malesa di Khamzat Chimaev.

“Haci un reemplazo poco prome ta semper un reto, pero nos a logra mantene e eventonan emocionante y competitivo”, White a bisa.

Mientras UFC ta sigui expande su alcance global, e regreso na Perth ta enfatisa e compromiso di e organisacion pa hiba e eventonan principal di MMA na audiencia internacional. Ta spera cu UFC 305 lo atrae atencion significativo di fanaticonan rond mundo, ansioso pa mira si Du Plessis por defende su titulo contra un di e competidonan mas formidabel den e deporte.

Cu e evento principal ya oficial, e anticipacion pa UFC 305 ta aumentando, primintiendo un anochi di accion di riesgo halto y mustando e nivel mas halto di e competencia di arte marcial mixto.

Cu un victoria dominante den wega 5

Boston Celtics ta gana e di 18 campeonato di NBA



BOSTON Celtics a sigura nan di 18 campeonato di NBA cu un victoria contundente di 106-88 riba Dallas Mavericks den wega 5 dialuna anochi, generando celebracionnan salvahe na TD Garden. E victoria aki a pone Celtics atrobe na e top di e lista di Campeon di tur tempo di NBA, superando Lakers di Los Angeles.

Jayson Tatum y Jaylen Brown a lidera e carga, solidificando nan legado den historia di Celtics. Tatum a haci un prestacion estrella cu 31 punto, 11 asistencia y ocho rebote, mientras cu Brown a agrega 21 punto, ocho rebote y seis asistencia. E serie di Brown a gana e MVP di e final, complementando su MVP di e final di e Conferencia Oost.

Celtics a domina for di comienso di e temporada, impulsa pa e decepcion di post-temporada di aña pasa y e movecionnan strategico di temporada abou di Brad Stevens. Su racha di 16-3 den post-season a culmina cu e victoria di dialuna, un testimonio di su excelencia constante.

Derrick White a personifica e determinacion di Celtics. A pesar di a kibra un djente den un choke den e di dos kwartaal, White a aporta 14 punto, a acerta cuatro di su ocho tripel y a agrega ocho rebote y dos robo. Su duresa tabata un factor determinante den e prestacion di Celtics.

E liderazgo trankil di Jrue Holiday



tabata crucial. El a anota e prome seis puntonan di Boston y a caba cu 15 punto, 11 rebote y cuater asistencia, marcando e tono di wega.

Kristaps Porzingis, a pesar di un lesion den tendon, a hunga 16 minuut, a marca cinco punto y a captura un rebote, mustrando su capacidad di recuperacion.

E defensa di Celtics tabata fundamental, efectivamente neutralizando e strea di Dallas. Luka Doncic y Kyrie Irving a combina pa 43 punto, pero nan a rekeri 41 tiro, bayendo di 5-pa-18 for

di mas leu di e arco.

E punto di atencion tabata e anotacion di Pritchard na final di e prome mita, cu a agrega na e impulso di Celtics. E veterano Al Horford, despues di 17 temporada, finalmente a logra su soño di gana un titulo di NBA, agregando un momento conmovedor na e victoria di Boston.

Cu e campeonato aki, Celtics a reafirma nan dominio den NBA, cu gana di defende nan titulo e siguiente temporada.

SALUD BEYESA

+ Y Bienestar Personal +


Investigacion ta muestra:

Prome menstruacion mas tempran den e generacionnan mas hoben

E prome menstruacion ta cuminsa mas y mas tempran den e generacionnan mas hoben den e mundo occidental, un tendencia cu e investigadonan ainda no ta compronde completamente. Segun un estudio reciente di Zifan Wang di Harvard University, publica den colaboracion cu su colega, e tendencia aki ta continua. Esaki ta preocupante, ya cu menstruacion tempran ta wordo asocia cu un riesgo mas halto di malesanan manera malesa di curason y cierto tipo di cancer.

Datonan historico ta muestra cu e edad promedio di e prome menstruacion a baha. Hende muhenan naci entre 1950 y 1969 a cuminsa menstrua na 12,5 aña den promedio, mientras cu hende muhenan naci entre 2000 y 2005 a haya nan prome periodo na 11,9 aña den promedio. E tendencia aki ta mas fuerte entre minoridad- etnico y personanan di clase socioeconomico mas abou.

Un causa cu ta wordo cita frecuentemente p'e reduccion di edad menstrual t'e prevalencia creciente di obesidad infantil. Es decir, menstruacion ta sosode ora cu e curpa a alcanza un cierto cantidad di grasa corporal. Sinembargo, Wang y su ekipo ta estima cu obesidad ta responsabel solamente pa mas o menos 46% di e diferencia den edad menstrual. Esaki ta indica cu otro factornan tambe ta di influencia.



Stress tambe por contribui na menstruacion tempran door di aumenta e nivel di androgen, hormonanan cu e tehido adiposo ta converti den estrogen, estimulando menstruacion. Sinembargo, no ta cla si e nivel di stress a subi den e generacionnan mas hoben.

Ademas, nan por influencia substancianan kimico conoci como disruptornan endocrino. E substancianan aki, cu ta den plastic, pesticida y otro productonan di consumo, por altera, blokia of imita hormona, interrompiendo pubertad. Sinembargo, investigacion riba e efecto di e kimiconan aki riba edad menstrual no ta conclui. E impacto di e substancianan aki ta depende di e edad y grado di exposicion.

Segun expertonan, e causa di e caida di edad menstrual ta compleho y multifactorial. Lauren Houghton di Columbia University ta enfatisa cu ta demasiado simplista pa culpa solamente obesidad. Factornan manera stress, disruptornan endocrino y posiblemente factornan ainda desconoci probablemente ta hunga un rol. Hopi di e factornan aki tambe ta entrelasa cu racismo structural, cu tin un impacto desproporciona riba minoridadnan racial y etnico.

Reduci e edad cu mucha muhenan ta menstrua pa prome biaha ta complica pa motibo di hopi causa entrelasa. Marcia Herman-Giddens, pediatra di Universidad di North Carolina, ta enfatisa cu ta importante pa stop e tendencia aki. Mas investigacion ta necesario pa atende cu e causa y formula maneho adecua p'asina por garantisar e salud di e generacionnan binidero.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 – 5653466
E-mail: info@carlymar.com


Un temporada di cambionan fisico y emocional

PUBERTAD ta un fase di desaroyo significativo den cual e curpa ta experencia hopi cambio, cu ta hiba na madurez sexual y reproductivo. E periodo aki ta marca pa un aumento di nivel di hormona, cu generalmente ta cuminsa rond di 10 aña pa mucha muhe y 11 aña pa mucha homber, maske e experencia individual ta varia.

Cambio físico den mucha muhe

Mucha muhenan ta experiencia un variedad di cambio fisico durante pubertad, cu ta inclui:

Forma di curpa: e heupnan ta bira hanchu y e curpa ta haya mas forma

- **Haltura:** periodo di crecemento rapido ta tuma luga, loke ta haci e mucha muhenan mas halto.
 - **Acne:** cambian hormonal por causa acne, caracteriza pa protuberancianan manera puntonan scur, spinilla, grano of cistenan, comunmente riba cara, nek, schouder, parti superior di lomba y pecho.
 - **Crecemento di pecho:** e etapa inicial di crecemento di pecho ta conoci como “geminacion”, hopi biaha acompaña cu sensibilidad y tin biaha asimetria. Consulta un dokter por yuda si tin preocupacion.
 - **Crecemento di cabey:** cabey ta cuminsa crece den e area pubico, e cocodek, pianan y e brasa.
 - **Fluho vaginal:** ta normal un fluho transparente of blanco, cu ta sirbi como un proceso natural di limpieza.
 - **Periodo:** e periodo menstrual ta cuminsa, marcando un ciclo mensual den cual e mantel di uterus ta bira mas diki y ta sali for di dje si no tin embarazo.
 - **Iregularidad menstrual:** ciclo irregular ta comun, specialmente den e prome añanan, cu duracion variabel entre periodonan.
 - **Dolor menstrual:** cramp por tuma luga prome of na comienso di e periodo. E dolor por wordo alivia cu entre otro ehercicio, un paña cu awa lauw of remedi pa alivia dolor. Un dolor intenso ta hustifica un bishita na dokter.
- 

Cambio físico den mucha homber


Mucha homber tambe ta experencia cambio fisico importante,
manera:

- **Haltura y crecimiento musculoso:** mucha hombernan ta crece mas halto y mas fuerte, desaroyando musculonan na diferente ritmo.
- **Acne:** mescos cu mucha muhe, mucha homber por desaroya acne pa motibo di cambio hormonal.

- Cambianan den voz: voz ta profundisa, hopi biaha fluctuando den tono durante e proceso.
- Crecemento di cabey: cabey ta cuminsa crece den e area pubico, cocodek, pianan y e cara, inicialmente fini pero despues ta bira mas grof y scur.
- Crecemento genital: testis y penis ta crece, y un testis ta hopi biaha mas grandi. E tamaño di e pene no ta afecta e funcion sexual ni fertilidad. Si tin preocupacionnan mester wordo discuti cu un dokter.
- Soño humedo: Ejaculacion durante soño ta un parti normal di desaroyo.
- Ereccion: ereccion por tuma luga spontaneamente, causando berguensa, pero generalmente ta pasa inadvertido pa otronan y ta desaparece rapidamente.
- Cambianan den pecho: crecemento temporal di pecho y sensibilidad ta normal pa motibo di cambianan hormonal.

Cambionan emocional

Tanto mucha homber como mucha muhe ta enfrenta cambionan emocional, cu hopi biaha ta precede cambionan fisico. Nan por inclui:

- 
- Sentido di identidad propio: Desaroya un identidad personal mas fuerte.
 - Interes sexual: Cuminsa tin interes sexual den otro hende.
 - Cambio di humor: Fluctuacion den estado di animo, energia y patronchi di soño.
 - Auto-consciencia: Mas consciencia y preocupacion pa aparencia fisico.
 - Frustracion y rabia: Lucha cu meta no cumpli por genera frustracion y rabia.
 - E cambianan emocional aki ta crucial pa desaroya balornan personal y identidad.

Apoyo y independencia

Pubertad hopi biaha ta trece un deseo pa mas independencia sin perde e necesidad di sosten di e mayornan. E dualidad aki por conduci na sinti tanto infantil como adulto. Tuma riesgo y comportacion impulsivo ta normal, pero por causa preocupacion cerca e mayornan. Comunicacion habri y comprendemento mutuo entre hobennan y nan mayornan of cuidadonan ta esencial durante e tempo aki.

Mayornan durante pubertad

Pa mayornan, guia un mucha durante pubertad ta nifica haya un balansa entre comunicacion cla, reglanan y permiti independencia. Mantene un ambiente di sosten y comprension ta yuda surpasa e retonan di e etapa di desaroyo aki. Reconociendo y adresando e aspectonan fisico y emocional di pubertad, hobennan y nan famianan por maneha e periodo di transformacion aki miho.



Lipstick pa cada ocasion: Con pa scoge e tono perfecto

LIPSTICK ta mas cu solamente make-up; e ta un declaracion di estilo, estado di animo y contexto. Cu e tono apropiado, e por mehora bo apariencia y confiansa, sin importa na unda bo ta of na unda bo ta bay. Adhunto un guia cu lo yuda bo scoge e lipstick perfecto pa tur ocasion.

Paso 1: Combina bo Lipstick cu e tono di bo cuero

Cuminsa pa identifica bo tono (undertone) di cuero, cu ta garantisa cu bo lipstick ta complementa bo complexion:

- Undertone friu: Busca adernan blauw na bo pols.
- Undertone 'warm': e adernan na bo man ta musta berde
- Undertone neutral: Si bo no por dicidi, ta probabel cu bo ta neutral.

Ora bo a identifica bo undertone, scohe e tono corecto ta bira mas facil:

- Undertone friu: Opta pa ros, cora y tononan di 'berries'.
- Undertone 'warm': tononan peach, coral y terracotta.
- Undertone neutral: Bo tin suerte! Experimenta cu tononan calido y fresco pa mira kico bo gusta mas.

Paso 2: Eligi e textura corecto

E textura di bo lipstick por cambia bo apariencia y cuanto e ta dura:

- Satina y transparente: Perfecto pa un toque di color sutil, ideal pa tur tono di cuero.
- Cremoso: Hidratante y vibrante, apto pa tur hende.
- Mate: Atrevido y duradero, pero tene cuenta cu e lipnan seco. E ta funciona pa tur tono di cuero.
- Briyante: Agrega briyo y dimension, apto pa tur hende.
- Metalico: Dramatico y briyante, eligi tononan cu ta complementa bo undertone.

Paso 3: lipstick pa diferente ocasion

Awor cu bo a identifica bo tono di cuero y a scoge e textura adecuada, ta ora pa selecta e tono di lipstick perfecto pa diferente ocasion:

- Uzo diario: Tononan natural manera ros suave, nude of mauve sutil. Tene simpel y elegante.
- Oficina of entrevista di trabou: Tononan 'mute' y profesional manera nude, ros of coral cla. Evita e colornan demasiado atrevido.
- Vacacion: haci'e un fiesta cu tononan cora clasico, color berry profundo of metaliconan brillante.
- Matrimonio: Ros suave, ros romantico of elegante neutro ta complementa e ambiente.

Brunch y reunion di trabou: Light y accesibel cu ros natural, coral of berry suave y cla.

- Look 'no-make-up': Tononan sutil cu ta resalta e color natural



di e lipnan.

- Cena y cocktail: tononan atrevido di berry of tononan di plum profundo ta combina cu e vibracionnan di anochi.
- Glamour: Cora yamativo, bordeaux intenso of tononan yamativo pa un entrada memorable.
- Picnic y fiesta: Hunga cu ros vibrante, oranje of tononan inconvensional.
- E prome cita: Roos suave cu ta aumenta confiansa, nude cu un tint ros of tononan MLBB (My Lips But Better).
- Date night: Tint cora apasiona of berry sensual pa laga un impresion duradero.
- Evento di anochi: Plum dramatico profundo, cora scur of biña elegante.
- Nochi di baile: Tononan atrevido y vivaz manera cora vibrante, oranje ardiente of ros electrico.

Tononan di Lipstick cu bo mester tin den bo coleccion

Crea un coleccion versatil cu e elementonan esencial aki:

- Ros: un ros suave pa tur dia y un ros vibrante pa un tiki color.
- Nude: un nude faborabel cu ta complementa bo tono di cuero.
- Cora clasico: un cora atemporal cu ta adapta na tur ocasion.
- Tono atrevido/ yamativo: Ta refleha bo personalidad, sea un berry profundo of un oranje atrevido.
- Berry: un tono versatil cu ta cera e diferencia entre cora y biña.

Conseho pa un aplicacion perfecto

Pa laga bo lipstick musta impecabel:

- Prepara bo lipnan: Exfolia y hidrata prome cu bo aplica e lipstick.
- Delinia bo lipnan: Uza un deliniador di lip pa defini bo lipnan y preveni cu e color ta core.
- Haci cu e color ta dura mas: despues di aplica e lipstick, seca e lipnan cu un tissue di biaha y aplica lipstick atrobe pa haya un color duradero.

Eligi e color di lipstick adecuado pa cualkier ocasion ta un habilidad divertido y gratificante. Considerando bo tono di cuero, preferencia pa textura y e evento specifico, bo por selecciona e tono perfecto cu confiansa. No tene miedo di experimenta y haya bo 'look' caracteristico cu ta laga un impresion duradero cu cada sonrisa!


Trastornonan di Animo:

Retonan Emocional

TRASTORNONAN di animo ta inclui un gama di condicionnan di salud mental cu ta distorciona e ekilibrio emocional di un persona, causando stress significativo y obstaculo den bida diario. E trastornonan aki ta impacta directamente e animo di un persona, reflehando nan estado emocional predominante. Entre varios tipo di trastornonan di animo, trastorno depresivo mayor, trastorno bipolar, trastorno ciclotímico, trastorno depresivo persistente (dysthymia), y trastorno afectivo estacional (SAD) t'esnan mas prevalente.

Trastorno Depresivo Mayor (MDD):

Trastorno depresivo mayor, comunmente conoci como depresion, ta manifesta su mes via sentimentonan persistente di tristesa, desesperacion, y un interes disminui den actividadnan diario. E nan afecta por experiencia cambio den apetito, disrupcion den patronchi di soño, fatiga, dificultad pa concentra, y hasta contempla pensamiento di morto of suicidio. Depresion ta influencia significativamente varios aspecto di bida, incluyendo relacion, trabou, y bienestar general.



Trastorno Bipolar:

Trastorno bipolar ta encera fluctuacion entre episodionan depresivo y periodonan di mania of hipomania. Fasanan di mania ta caracteriza pa un estado di animo eleva, nivel di energia aumenta, comportacion impulsivo, y necesidad reduci pa drumi. Contrariamente, episodionan depresivo ta refleha sintomanan similar na trastorno depresivo mayor. Maneha trastorno bipolar ta rekeri tratamiento continuo y cuido profesional.

Trastorno Ciclotímico:

Considera un variante mas suave di trastorno bipolar, trastorno ciclotimico ta wordo caracteriza pa disturbionan di estado di animo persistente cu ta inclui sintomanan hipomanico y depresivo. Aunke menos severo cu mania of depression completo, e ta impacta bida diario y por progresa pa trastorno bipolar den algun caso.

Trastorno Depresivo Persistente (Dysthymia) y Trastorno Afectivo Estacional (SAD):

Dysthymia ta un forma cronico di depresion, durando un minimo di dos aña, cu periodonan intermitente di sintomanan mas pronuncia. SAD, di otro banda, ta exhibi sintomanan depresivo relaciona cu temporadanan specifico, frecuentemente mehorando den lunanan cu tin mas solo.

Aborda trastornonan di estado di animo tipicamente ta envolve un enfoke multifacetico cu ta inclui psicoterapia, medicamento, y ahustenan den estilo di bida.

Buscando asistencia profesional ta crucial pa un diagnostico corecto y intervencion adapta. Compronde trastornonan di estado di animo ta e prome paso pa fomenta bienestar mental.

Beauty Bar
by Jen

+297 730 1486
SABANA BLANCO 40
ORANJESTAD, ARUBA

Beauty Bar
P.M.U & LASH ARTIST **By JEN**

Specialised in

- Brows, lips & Eyeliner
- Pedicure
- Microblading
- Powderbrows
- Threading
- Brow Lamination
- Lip pigmentation & blush
- Eyeliner

f Beauty Bar by Jen @ beautybar_byjen

Eric Ras(Curpa):

Un Aruba nobo ta un Aruba cu ta cumpli cu leyman di Dios

DESDE nos Status Aparte politiconan a haci hopi promesa na pueblo di Aruba. Pueblo a wordo gaña, paso realidad di bida ta cu e promesanan aki a resulta di ta falso. Durante campaña ta priminti hopi cos pero te cu dia di awe no a cumpli cu nan promesanan falso. Nos por corda partido MEP su promesa falso di campaña unda a laga sa cu *“nos conoce e materia”*.

Aki a referi n’e situacion financiero precario y a comenta cu a studia e materia y lo goberna sin medida. Gobierno di partido MEP no a sinta na november 2017 ni drechi cu a fia placa riba mercado internacional cu ki meta?

Aruba como un isla chikito no mester di un gobierno cu 8 minister mas. Vooral no awor cu partido MEP a entrega nos autonomia. E proximo gobierno lo mester goberna cu 5 minister. Ministernan ta biaha rond mundo sin tin ningun logra y pa colmo ta pone mas medida riba lomba di pueblo. No mester bay paranda Latino ni IPKO mas. Pakico parlamentarionan ta biaha cu tur gasto paga sin cu por demostra un logro.

E placa cu a regala Tofanalli di 2.1 miyon florin y e 175 miyon dollar por a drecha scolnan, nos adultonan mayor y esnan sin trabao lo no mester paga pa nan remedinan y por aumenta e prima di pensioen y tambe onderstand. Awe nos tin un refineria cu ta cay den otro y no tin placa pa desmantel’e. Mas pio ainda un RDA unda mayoria trahado ta amigonan di partido MEP, ta den problema financiero.

Unda tin boluntad tin solucion. El Salvador un di e paisnan mas violento na mundo awe un pais unda ta reina paz y tin prosperidad. Awe su turismo ta florece. Den 5 aña di tempo e president a traha un hospital nobo y un



prizon nobo. Aki na Aruba nos tin un hospital cu tin casi 10 aña den renobacion y ainda no ta cla. Nos tin un prizon cu ta casi cay den otro y no tin luga pa cera hende. El Salvador su president cristian a logra trece cambio na su pais. El Salvador ta un ehempel cla cu ora Dios ta den gobernacion tin cambio tin prosperidad.

Aki na Aruba kier tene Dios for di gobierno y nos pueblo ta biba den miseria. A keda demostra cu no por sigui separa estado for di religion. Imposibel pa construi un Aruba Nobo riba un fundeshi fofo y cu politiconan

tradicional. Mester bin un limpieza pa por construi un Aruba Nobo riba un fundeshi solido cu Dios den nos gobernacion. Aruba mester di Cristo si nos kier lanta cabes.

A yega tempo pa bisa ta basta na politiconan mediocre cu no tin palabra sino puro engaño ta sali for di nan boca. Pa corona nos tin parlamentarionan supuestamente cristian cu pa nan comodidad ta sigui tene nan partido duro teni y ta lubida riba pueblo. Nan lo tin cu duna cuenta na Dios. Dios su tempo ta perfecto y asina SU husticia tambe. Partido Curpa e unico alternativa.

Ley Matrimonio di Mesun Sexo:

Parlamentario Shailiny Tromp-Lee ta duna un splicacion amplio riba su decision pa abstene di votacion



AYERA un biaha mas lo tin votacion pa e ley cu ta trata matrimonio di mesun sexo. Dia 8 di mei 2024 e ley a keda trata y 10 parlamentario a vota pro, 10 parlamentario a vota contra y mi persona a abstene di vota. Mirando cu ta trata un ley di iniciativa di parlamentarionan mes (Miguel Mansur, Misha Raymond, Marisol

Tromp y Aquanette Gunn), contrario na votacion usual ora ta trata concepto di ley presenta pa Gobierno, e conteo menciona aki riba ta conduci cu un biaha mas mester realisa e ronda di votacion, door cu no tin un mayoria na favor di e ley. Ayera, si tur parlamentario vota mescos cu dia 8 di mei 2024 e ley lo keda desaproba.

Proceso den parlamento

Mirando tur conmocion cu ta keda crea y e falta di conocimiento di e proceso den Parlamento of sistema parlamentario, mi a tuma nota di hopi critica basa riba conclusionnan incorrecto. Contrario na pensamiento di algun hende, abstencion ta algo masha comun den sala di Parlamento. Como parlamentario bo por abstene di vota pa un mocion, amienda of un ley. Esaki mas cu claro por tin diferente motibo manera motibo politico, tin duda of preocupacion cu ainda cu no a keda atendi, flohera y falta di responsabilidad (bin reunion, firma lista di presencia y ta bay cas) of no por tuma un decision of ta mira solucion pa e tematica cu e ley ta trata.

Diferente momentonan cu a abstene

Durante aña 2024 so nos por mira con durante di diferente tratamiento di ley, parlamentarionan ta abstene y no ta vota pro of contra un ley.

Mi ta bay duna ehempel di algun di nan:

- **Ley di RWZI y rioolnetwerk, 30 di mei 2024**, colega Rycond Santos do Nascimento a firma lista di presencia, tabata presente den sala ora di votacion y a abstene di vota;
- **Ley encuanto Wetboek van Strafvordering, 12 di maart 2024**, colega Misha Raymond a firma lista di presencia, tabata presente den sala ora di votacion y a abstene di vota;
- **Presupuesto di TPEF 2024, 27 februari 2024**, colega Rycond Santos do Nascimento a firma lista di presencia y a abstene di vota;
- **Presupuesto DOW 2024, 7 februari 2024**, coleganan Rycond Santos do Nascimento y Mike Eman a firma lista di presencia y a abstene di vota;

Si nos wak atras y keda na e topico di matrimonio di mesun sexo y loke a bin na su luga durante di e discusion al respecto na aña 2016, esta geregistreerd partnerschap, nos por mira lo siguiente:

Amienda geregistreerd partnerschap, 8 di september 2016, parlamentarionan Guilfred Besaril, Dangui Oduber, Xiomara Maduro y Ady Thijsen a firma lista di presencia y a abstene di vota. Dus ora politiconan enfatisa cu un parlamentario mester vota pro of contra y no por abstene, mi ta haya cu ta hunga cu emocion di pueblo y ta informando nan incorrectamente.

Mi decision di abstene

Mi persona, ayera 19 di juni 2024, net 6 siman despues di 8 di mei, un biaha mas lo abstene di vota. Mi decision pa abstene ta paso mi ta den un dilema cual mi no por sali afo. E informacion y peticion cu mi ta ricibi for di e pueblo ta uno mixto. Como cu nos ta biba den un democracia mi ta scoge pa comparti mi opinion y mi ta spera cu tin espacio pa esaki. Mi ta papiando aki como un hende cu ta bisa enfaticamente cu e tin un dilema tanto interno como externo. Ta trata di un asunto asina importante y delicado cu e ta haci'e dificil pa tuma un decision. Mi ta sigura pueblo henter cu mi a lesa, mi a papia, mi a consulta y principalmente mi a resa pero ainda mi no por tuma un decision cu ami mes por ta trankil cu ne y por tin paz interno. P'esey mes mi ta pidi respet pa mi decision pa abstene y no participa na votacion.

Despues di dia 8 di mei 2024 mi a haya hopi reaccion, critica destructivo y tambe palabra di sosten. Mi kier enfatisa cu ami ta respeta opinion di tur hende y a dicidi tambe mirando con delicado e topico aki ta, y con emocional hendenan ta bira, pa no hiba e discusion riba medionan social of den prensa. Pero sinceramente mi ta puntra mi mes cu si en berdad ta necesario y aceptabel pa bay riba nivelnan asina baho pa ataca un persona cu for di profundidad di su curason ta bisando bo cu e tin un dilema y no por tuma un decision.

Mi kier termina informando pueblo cu mescos cu ora a trata e ley dia 8 di mei 2024, henter dia mi tabata na pia di trabou, esaki ta e caso ayera atrobe. Mas cu mi no lo participa na e ronda di votacion. E motibo pakico boso no lo wak mi sinta den sala ta pasobra e regla di custumber ta cu pa abstene bo mester sali di sala. Tin dos ocasion e aña aki cu coleganan a desvia di e regla, pero ami lo sigui mantene mi mes na e regla te ora cu nos dicidi cu lo introduci un proceso nobo di votacion.



Mirrors Beauty Academy ta ofrece e siguiente servicionan

Laba	Tinja	Makeup	Y mucho mas!
Corta	Highlights / Mechitas	Threading	
Blowdry	Ombre / Californiana	Barberia	
Keratina	Bayalage	Manicure	
Cold Wax	Peinado	Pedicure	

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Ministerio di Turismo y Salud Publico ta contento cu e progreso di digitalisacion di e Aruba Health App



MINISTER di Turismo y Salud Publico sr. Dangui Oduber ta contento con e progreso di digitalisacion di e Aruba Health Application ta canando. Un bunita proyecto unda pronto lo digitalisa henter e sector di cuida medico haciendo uzo di tecnologia y innovacion via e Aruba Health App.

Setar hunto cu Ministerio Salud Publico y AZV ta trahando duro ariba e proyecto pa asina brinda un miho servicio na nos aseguradonan. Cu e avance di e proyecto, pronto aseguradonan por bay experiencia un cambio grandi den e manera cu ta haci cita na nan dokternan di cas via e plataforma di Aruba Health Application.

Den cuadro di mehora calidad y servicio di cuida na Aruba e plataforma di “Aruba Health App” lo bira un pa traha cita via **MiDokterDiCas**, tambe por ricibi receta prescribi via **MiRemedi** y alabes haya otro informacionnan importante di e pashent su historia medico. E innovacion di e plataforma aki ta permiti e aseguradonan pa yega na nan informacion medico 24 ora pa dia cu ta haci e proceso mas rapido.

Minister Dangui Oduber a pone e vision y conhuntamente cu Setar y AZV a logra introduci un plataforma innovativo pa Aruba unda e pashent ta central y mas acceso y control di nan salud. Segun e mandatario esaki ta un “era nobo” pa asina digitalisa henter e sector di cuida medico, cu un resultado pa sigui mehora tur e servicionan y e calidad di cuida pa tur dokter di cas por traha na un manera mas eficiente, transparente y mas rapido y asina tambe e comunidad por ta mas informa y sinti nan mes den control di nan salud y calidad di bida.

Minister Dangui Oduber ta gradici tur e partnernan cu ta trahando incansablemente pa pronto por lansa y introduci e plataforma di Aruba Health App n’e pueblo di Aruba.

APPAREL

BOAT ACCESSORIES

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Studiantenan den proceso pa haya Arubalening mester habri cuenta di estudiante na banco local



DEPARTAMENTO di Enseñansa Aruba (DEA), seccion Studiefaciliteiten, ta recorda studiantenan cu preparacion p'esnan cu lo sigui studia ta inclui varios rekisito importante cu tin cu wordo regla mas pronto cu ta posibel.

Cuenta di banco local

Un di e rekisitonan ta habri un cuenta di estudiante na un di nos banconan local (si e estudiante no tin esaki ainda).

T'asina cu na momento cu e estudiante ta bay haya su Arubalening, esaki ta wordo pasa riba un cuenta di banco local na nomber di e estudiante. E cuenta por ta hunto cu un mayor pero e mester ta primeramente na nomber di e estudiante.

Den caso cu ta bay studia den exterior, mester pidi banco pa haci esaki un **"Non Resident Student Account"**. Lo por haci esaki mesora ya ta evita di tin cu bolbe pa haci cambio.

Upload den Arubalening Portal

Manera cu e cuenta di banco ta cla, e estudiante tin cu upload un prueba di e cuenta aki den su Arubalening Portal.

Riba e prueba nos mester por wak e nomber di banco, nomber di e estudiante y tambe e number di cuenta.

Tin banco ta pidi un carta di prueba (verklaring) cu e estudiante lo bay haya Arubalening pa asina nan por habri e cuenta di banco p'e estudiante. E estudiante por pidi e verklaring aki via e number di WhatsApp di Arubalening 594 4140 (solamente pa WhatsApp). Ora di manda mensahe pidiendo e carta (verklaring) pa banco, no lubida di pone bo datonan personal (nomber completo y fecha di nacemento) pa asina DEA por traha e verklaring.

E preparacionnan cu tin cu haci prome cu sali pa exterior como estudiante ta hopi, pero si cuminsa cu nan trempa por keda cla cu tur cos na tempo.

Mas informacion

Pa cualkier pregunta relaciona cu Arubalening por manda un e-mail na arubalening@ea.aw of un whatsapp na 594-4140.

Pa mas informacion por acudi na nos website ww.ea.aw y busca Arubalening (Portal) na letter A den e alfabet menu. Tambe ta sugeri studiantenan pa sigui Departamento di Enseñansa Aruba riba Facebook y/of Instagram @EducationAruba pa keda na altura di tur informacion.

Personal di DEA y seccion Studiefaciliteiten ta desea tur estudiante hopi exito.

Nos Tera, un Legado pa Futuro

Dia Mundial pa Combati Desertificacion y Secura extremo 2024

PA conmemora e di 30 Convenio pa combati Desertificacion y Secura, Nacionnan (UN) a oficialisa cu e observacion di Dia Mundial di Desertificacion y Secura extremo (Desertification & Drought Day) ta riba dia 17 di juni. Nacionnan Uni ta pone enfasis riba e importancia di solidaridad internacional pa atende cu e retonan di secura extremo y degradacion di suela, pues desertificacion. E tema pa 2024 ta **“Nos Tera, un Legado pa Futuro”**.

‘E tema aki ta reconoce e rol crucial cu e tera ta hunga den nos bida. For di apoya e ecosistemanan y biodiversidad te na sostene nos economia y comunidad. E meta ta pa encurasha transformacion pa un mundo cu suelanan mas sano y di biodiversidad halto.

Directie Natuur en Milieu (DNM) a bin ta tuma nota di nos suela y e temporada di secura ta uno extremo. Plantamento of mantene matanan na bida ta un reto. Tambe, ora tin yobida e awasero ta core y e tera no ta haya tur oportunidad pa absorba e awa. Esaki ta pone cu e suelo no tin suficiente humedad/ awa pa provee matanan ora planta.

Kico ta desertificacion? E ta e proceso di degradacion di tera den zonanan arido, semi-arido y medio humedo pa seco. E ta un menasa serio pa medio ambiente y desaroyo humano causando impacto negativo riba mas di 3 mil miyon di hende. Secura ta un otro menasa grandi cu ta contribui na degradacion di suelo (desertificacion). Cambio climatico ta aumenta e frecuencia y severidad di secura, poniendo presion riba recursonan natural cu ta depende di tera y awa.

E comunicado aki ta haci un yamada pa traha hunto pa combati e degradacion di suela y secura. Door di cooperacion y asistencia mutuo, nos por promove



maneho sostenibel di tera, aumenta capacidad di adaptacion na e cambio climatico, y sigura e futuro pa hende.

Aruba mester traha na combati e degradacion di suela esta desertificacion

Si, ta berdad cu Aruba no ta clasifica como un area di desierto, pero nos isla ta exponi si na efectonan di e desertificacion debi na su clima semi-arido y awasero inconsistente.

Nos por atende cu e retonan aki door di implementa manehonan manera:

- Maneha eficazmente e recurso awa pa conserva esaki.
- Proteccion y restauracion di vegetacion pa reduci erosion di tera.
- Promove practicanan di agricultura sostenibel cu ta conserva salud di tera.

- Stimula desaroyo di suelo cu material organico.
- Trahando hunto pa un futuro mas berde

Dia di Desertificacion y Secura ta un recordatorio importante di e necesidad pa traha hunto pa un futuro mas berde y un biodiversidad saludabel. A traves di accion colectivo y solidaridad internacional, nos por mitiga e efectonan di e degradacion di suela y secura extremo y crea un mundo mas sostenibel pa futuro generacion.

Pa mas informacion tocante Dia Mundial di Desertificacion y Secura, por favor bishita e website di Nacionnan Uni: <https://www.un.org/en/observances/desertification-day>.

A parti mas di 8 mil florin na premio

Associate Appreciation Week di Aruba Marriott a termina cu dia di famia

ARUBA Marriott Resort & Stellaris Casino a celebra cu su asociadonan for di dia 3 te cu dia 7 di juni. E hotel a organisa diferente actividad, for di canta bingo, bowling, haci trabou pa comunidad y paintball, cada actividad tabatin un acogida grandi di parti di e asociadonan di Aruba Marriott. Diadomingo anochi a clausura e Associate Appreciation Week na Balashi Beer Garden despues di un tremendo “car rally.”

Ruthline Theysen, Complex Director di Recurso Humano na Aruba Marriott, a comenta cu e siman di aprecio a cuminsa riba dialuna cu partimento di dryfit shirt y c’un “food truck festival.” Mainta trempan e asociadonan a hunga bingo. Ademas, un di e actividadnan tabata encera pa sirbi comunidad, aki e asociadonan a bay St. Michael Paviljoen pa haci algun actividad cu e grandinan, haci trabou di hardineria y drecha e cushina.

Un di e eventonan organisa pa e asociadonan tabata Global Running Day, paintball, un “overnight party” dedica specialmente na e asociadonan cu ta traha te anochi laat. Riba diabierna tabatin un dia di famia. Pa Aruba Marriott ta importante pa dedica e dia aki no solamente na e asociadonan pero tambe na nan famia como muestra di gradicimento na tur famia cu ta sostene e asociadonan.

Durante e “family day” Aruba Marriott tabatin Balashi Beer Garden pa nan so. Aki tabatin un area special dedica na mucha, unda a parti cotton candy, por a bula den dino jump y participa den varios actividad pa mucha. P’e grandinan tabatin entretenimento cu e banda Buleria y cu un brassband. Ademas, e bar y cushina tabata bon surti p’e

asociadonan y nan famia disfruta.

Den dia tabatin un “car rally” caminda un total di 38 auto a participa. Tabatin premio di 1500 florin pa esun cu a keda na prome luga, 1000 florin p’e di dos luga y 750 pa e di tres luga. Durante anochi a rifa un total di 8000 mil florin na premio entre e asociadonan di Aruba Marriott.

“Masha masha danki na tur e asociadonan di e compleho cu ta un total di 1300 asociado. Nos ta hopi orguyoso di nan tur, nan ta e exito di e compania”, asina Ruthline Theysen a expresa cu masha orguyo. E ta un satisfaccion pa Theysen y henter e team di recurso humano cu a dedica mas cu un luna di preparacion pa e Associate Appreciation Week.

Aña pasa, sin duda algun, tabata e miho aña pa e compleho di hotelnan Marriott na Aruba. Pero pa por a maneha e crecimiento aki, a depende hopi di e asociadonan. Y esaki cu e realidad cu asociadonan ta scars, pues tin varios funcion habri di cual ainda ta buscando pa recluta. P’esey, hopi biaha, e personal den servicio mester a duna extra di nan mes pa por a mantene e nivel halto di servicio cu Marriott ta conoci p’e.


Si abo ta buscando trabou, no pensa dos bes den solicita na Aruba Marriott Resort. Ey ta traha cinco bes pa siman, ta paga un salario competitivo, cu un lista di beneficio pa e asociado y su famia, sin lubida bonus di un salario completo pa fin di aña.

Tambe asociadonan di Marriott por keda na un prijs preferencial unda nan biaha rond mundo y hospeda den un otro Marriott.



Realidad tristo:

99% di abuso sexual di mucha, e abusado ta famia of conoci!



DESDE inicio di Gabinete Wever-Croes na 2017, Gobierno di Aruba ta haciendo tur posibel pa atende cu e problema delicado di abuso y abuso sexual di menor. Pa trece mas conscientisacion ainda den pueblo, Gobierno a decreta luna di april como Luna Nacional Contra Abuso di Mucha. Riba prevencion, ehecucion y conscientisacion, Gobierno hunto cu Comision Nacional di Abuso di Menor, organisacionnan y fundacionnan gubernamental y no gubernamental, ya a tuma diferente accion pa yuda preveni y combati e crimen grave aki contra nos muchanan.

Sinembargo, e ta un berdad hopi tristo cu e problematica aki ta cuminsa hopi cerca di cas mes, di esnan hopi cerca di un mucha. For di un estudio haci, ta alarmante e cifra y informacionnan obteni di casonan di abuso di mucha. 99% di casonan na unda muchanan ta wordo abusa sexualmente, ta wordo abusa door di personanan cu e victima conoce. E por ta un amigo di cas, of amiga of amigo di mama y tata, pareha nobo, door di omo, door di welo, of padrastro. Esakinan ta personanan cu ta cerca di e muchanan y kendenan e muchanan ta confia. Personanan kendenan a mayornan a confia pa laga nan yiunan den nan cuido.

Esaki ta un indicacion fuerte cu e problema mas serio no ta ley, Gobierno of hues. E problema mas serio ta den famia. Eynan nos mester enfoca. Eynan Gobierno no por drenta facilmente.

Esey ta responsabilidad di cada famia, di cada persona cerca di e mucha cu e mucha ta confia. Por cambia tur ley pero si den famia e abuso sigui te hasta wordo permiti y tolera, nos ta sigui faya nos muchanan. Y ta hunto so nos lo preveni y combati e crimen aki contra nos menornan inocente.

“Nos mester confronta e berdad aki, aunke cu e ta incomodo y delicado. Abuso hopi biaha ta sosode door di personanan di confiansa, personanan cu mester t’esun cu mester brinda proteccion na nos muchanan. Nos por cuminsa pa evita 99% di e casonan aki door di wak miho cu kende nos ta laga nos yiunan y reconoce señalnan den e mucha of den esnan cu ta wak p’e mucha. Door di ta consciente, acepta loke ta pasando, y door di accionnan preventivo, nos por traha pa un futuro caminda cada mucha ta crece den un ambiente liber for di e garan di abuso. Nos muchanan merece miho”, Prome Minister Evelyn Wever-Croes a expresa.

DEA cu ultimo encuentro di Alfabetisacion na Papiamento

RECIENTEMENTE a tuma luga e ultimo dia di estudio pa cabesante- y maestronan di klas 1 di scol basico.

DEA den consulta cu e directivanan di scol a inicia c'un trayecto di preparacion pa cabesante- y nan maestronan di klas 1 di scol basico na november 2023. E prome sesion informativo a cuminsa dia 17 di november 2023 na unda a comparti informacion, a conecta cu otro y a crea diferente Comunidad Profesional di Siñamento (CPS).

En total a forma ocho CPS na unda cada CPS lo enfoca riba un of mas topico pa profundisa nan mes aden. Cada CPS por a enfoca riba diferente area specifico cu ta interesa e grupo nucleo di e CPS.


E cabesante- y maestronan di klas 1 a bin hunto dia 19 di januari, 16 di februari, 27 di maart, 19 di april y 31 di mei 2024, pa hunto prepara debidamente p'e introduccion di siña lesa y skirbi na Papiamento den klas 1 na augustus 2024. Cada dia di estudio a tuma luga bou guia di Departamento di Enseñansa Aruba (DEA) conhuntamente cu Centro di Desaroyo Profesional Continuo (CDPC) di Instituto Pedagogico Arubano (IPA).

Cada reunion a cuminsa c'un momento general unda a comparti informacion general p'esnan presente, sigui pa tayernan informativo p'e maestronan di klas 1 y pa finalisa e dia a sigui traha riba e topico di e Comunidad Profesional di Siñamento (CPS). Cabesantenan a participa na tayernan dirigi especificamente pa nan, na unda a comparti informacion y sosten p'asina apoya nan den nan papel pa sostene y motiva e maestronan y e team di nan scol.

Cada CPS a presenta nan producto final na nan coleganan y Directiva di scol durante e ultimo dia di estudio riba 31 di mei. Di e manera aki e gruponan colectivo a yuda sostene otro den e preparacion di e implementacion di e maneho nobo di idioma na unda ta siña lesa y skirbi na Papiamento. E gruponan a profundisa nan mes den e materia na unda algun grupo a presenta nan observacionnan, otro a presenta material cu nan a adapta, y otro a traha material completamente nobo. N'e manera aki e gruponan a acopla bunita na otro.

Mester menciona cu durante e dia aki Minister di Enseñansa, sr. Endy Croes tambe tawata presente pa presencia e produccion final y a te hasta haya su mes inesperadamente ta forma parti di un di e presentacionnan.

DEA ta hopi agradecido p'e sosten ricibi di tur e cabesante- y maestronan y Directiva di e scolnan y alabes DEA kier a



yama Minister di Enseñansa danki pa su presencia durante e mainta aki.

Pa mas informacion relaciona cu Enseñansa na Aruba por acudi na nos website www.ea.aw.

Tambe por sigui nos den social media via nos facebook y instagram pages @educationaruba pa keda na altura di tur informacion.

Gina Werleman a cumpli 30 aña den servicio di pais Aruba

RECIENTEMENTE Minister di Finansa Xiomara Maduro a ricibi na Bestuurskantoor sra. Regina “Gina” Werleman kende a cumpli 30 aña di servicio publico. Gina ta 1ste Medewerker Interne Controle na Departamento di Finansa.

P’e ocasion aki Director di Departamento di Finansa Sr. Derick Werleman y Chef IC/AC Sr. Karl Vrolijk tabata presente y director a conta di su experiencia trahando cu colega Gina y alabes a gradici Gina pa su aporte trahando na Departamento di Finansa.

Di su banda tambe Gina ta contento di e oportunidad pa por labora y brinda su talento y profesionalismo n’e depar-



tamento y Pais Aruba. Minister Maduro a gradici Gina pa su lealtad y dedicacion na e servicio publico pa 30 aña y a entreg’e su decreto gubernamental

y un regalo chikito pa conmemora e 30 aniversario. Tabata un momento agradabel hunto cu Gina, familiarnan y coleganan.

Hilton Aruba Caribbean Resort & Casino a celebra Luna di Orguyo

HILTON Aruba Caribbean Resort & Casino ta conmemora Luna di Orguyo di manera significativo y inclusivo cual tin como meta pa aumenta conocimiento tocante amor y igualdad entre huespednan y comunidad local.

Durante e luna aki, delicioso pastry di color di regenboog ta disponibel n’e buffet di desayuno na restaurant Laguna hunto cu pastry y buscuchi di color disponibel pa benta na Oscar’s Market, situa na e restaurant.

Tambe, e famoso cascada den e hardin a wordo ilumina na color di regenboog, briyando den anochi den colornan impresionante di cora, oraño, geel, berde, blauw y biña, creando un atmosfera vibrante di celebracion.

E resort tambe a tene un concurso riba Facebook y Instagram, unda un pareha fortuna lo gana e Gran Premio di un boda di nan soño of renovacion di vows na Hilton Aruba, incluyendo e luga tropical, catering elegante, y acomodacion.



Tur pareha LGBTQ+ bibando na Aruba of Merca cu ta desea di casa of renoban nan boda por participa den e concurso pa medio di post un foto of video riba nan storia, esaki mester ta un storia unico di amor riba Facebook of Instagram, uzando e hashtag #HiltonArubaPride, y mester tag @HiltonAruba.

E concurso ta dura henter luna di juni 2024, anto e pareha ganado lo wordo notifica prome cu 15 di juli 2024.

Pa mas informacion bishita:

<https://hiltonaruba.hflip.co/ef4617e7ab.html>

Minister Thijsen na recepcion di despedida pa Secretario di Estado Van Huffelena



NA Nieuwe Kerk na Den Haag a tuma luga un recepcion pa tuma despedida di Alexandra van Huffelen como Secretario di Estado pa Asuntonan di Reino y Digitalisacion. N'e ocasion aki Minister Plenipotenciario mr. Ady Thijsen a gradici Alexandra van Huffelen p'e bunita cooperacion durante di e periodo cu e tabata Secretario di Estado. Tambe Minister Thijsen a gradici Alexandra van Huffelen pa su comprension y su amor y afecto grandi p'e parti Caribense di Reino Hulandes. Sr. Thijsen a desea señora Van Huffelen tur clase di exito den loke e lo bay haci despues di e funcion di Secretario di Estado.

Durante e programa oficial un video a wordo pasa cu palabranan di gratitud y aprecio di mandatarionan di e parti Caribense di Reino, na unda tambe Prome Minister di Aruba mr. Evelyn Wever-Croes tabata tin un mensahe pa Alexandra van Huffelen na unda tambe e prome mandatario di Aruba a gradici Secretario di Estado van Huffelen p'e cooperacion entre Hulanda y Aruba.


Den su discurso Alexandra van Huffelen a mira bek riba e dos aña y mei cu e tabata den e funcion aki. El a para keto na su bishitanan na y su intercambionan cu e mandatarionan di e parti Caribense di Reino. Tambe e trabaonan cu el



a logra realisa riba e agenda di digitalisacion. E mandatario a bisa su hopi trabao a wordo haci, pero cu lastimamente door di e caida di e Gabinete Rutte IV, tin proyectonan cu no por e keda finalisa. Finalmente el a bisa di ta spera cu su sucesor sigui riba e mesun caminda pa loke t'e Relacionnan den Reino y Digitalisacion.

E recepcion a sigui den un esfera hopi ameno cu musica di Juni Juliet.

Inscripcion pa Prisma pa aña escolar venidero 2024 - 2025



SKOA su inscripcion ta habri pa e programa di “Schakelklas Prisma” pa aña escolar venidero di 2024 - 2025.

Mi yiu tin cu bay Prisma?

Prisma ta un programa di 1 aña cu ta enfoca ariba e idioma di Hulandes pa

asina prepara muchanan cu no ta papia Hulandes mas miho posibel pa nan integra den scol regular exitosamente, caminda Hulandes ta e lenguahe primario den e curiculo. E programa di Prisma ta evalua alabes e desaroyo academico a base di cada mucha su prestacion di siñamento y tambe nan desaroyo social - emocional cu ta importante pa nan crecimiento en general.

Con pa inscribi pa Prisma?

Por aplica via website www.skoa.aw pa asina inscribi completamente online. Bay

riba e website y click ariba inschrijven y despues scoge pa Prisma. Di eynan mester sigui e instruccionnan ariba e website pa completa e aplicacion di cada mucha. Si tin duda con pa inscribi via nos website por pasa libremente na nos oficina di SKOA situa na Copernicusstraat 11, Aruba durante orario di oficina entre 8am - 12pm y 2pm - 4pm.

Por haya mas informacion ariba nos website www.skoa.aw y tambe por yama nos directo na (+297) 523 1800 durante orario di oficina.

Na caminda pa seminario-2 diasabra awo

Edadismo y abuso di adulto mayor-1 tabata un exito

DIASABRA, 15 di juni 2024, a tuma luga e seminario “Conscientisacion y Prevencion – Edadismo y Abuso di Adulto Mayor” na ATIA Building, Dakota di 1or pa 5or atardi. Tabata tin 4 orador, esta mr. dr. Alida Marval (Hurista), mr. Gabri de Hoogd (Abogado), sra. Clarisca Velazquez (KPA) y dr. Carlos Vallego (Neuro-Ciruhano).

Sra. Alida Marval a toca e tema di “Kico ta Abuso contra Adulto Mayor – Algo tocante e situacion na Aruba”. **E a trece 3 forma di abuso:**

1. Psicologicamente (palabra, zundra, pest, etc.), Edadismo (trata e Adulto Mayor cu humiyacion), Negligencia (descuido, no duna cuminda y/of remedi na tempo, ni limpieza corporal, etc.).
2. Maltrato fisico (pushamento, dalmento, etc.).
3. Abuso sexual (no respeta su privacidad, etc.).

E abusonnan aki ta causa hopi problema den hogar-, cas- y institucionnan di cuido, etc. Hopi biaha e abuso ta continua pasobra e victima(nan) tin miedo di esun cu ta cuid’e y ta depende di dje. Prioridad ta pa bin cu registracion di abuso y crea cifra pa maneho.

Sr. Gabri Hoogd a trata e topico di ‘Financiële Uitbuiting’, explotacion financiero, di Adulto Mayor. Algun ehempel di señalnan ta: desaparicion di placa y otro cosnan di balor, retiro di sumanan for di cuenta bancario sin splicacion/autorisacion, aumento di debe, peticion inespera pa cambio di testament, intimida e Adulto Mayor si e no kier coopera, etc.

Den e Cidigo Civil, Burgerlijk Wetboek, tin diferente articulo cu ta protege e Adulto Mayor, den su dependencia y estado mental afecta, contra actonan abusivo door di cuidado- y otro person-

anan den su ambiente cu ta atende cu su pertenencia- y asun-tonan financiero. Sr. De Hoogd a repasa diferente jurisprudencia na Aruba y Hulanda.

Sra. Clarisca Velasquez a relata tocante con Polis di Bario, ultimo añanan, a haya su atencion debido pa por atende cu tur e bari-onan. KPA tin basta barioregisseeur na Playa, Noord, Paradera, Sta. Cruz, Pos Chikito, Savaneta y San Nicolas, pero ainda falta mas pa por optimalisa e servicio. E ekipo ta atende tambe cu Adultonan Mayor y ta desaroyando un sistema pa registra y controla mas efectivo. Creando mas informacion relata na e Adulto Mayor ta un prioridad.

Sr. Carlos Vallego a duna un splicacion di su practica medico na Aruba y Colombia, unda e ta atende cu diferente caso cu por y a beneficia door di atende cu aumento di likido rond di e cerebro di personanan cu deficiencia motorico. Den cierto casonan ta necesario pa un pashent haci un MRI pa averigua si ta posibel pa haci e tipo di operacion aki. E seguro social lo mester ta mas accesibel pa adulto mayor den e casonan di diagnostico na tempo. No por t’asina cu e asegurado, Adulto Mayor ta paga su contribucion y No ta ricibi cierto serviccionan necesario.

E publico presente a apoya e presentacionnan di e 4 presentado y a aprecia e informacion cu nan a ricibi. A pidi pa bin mas di e tipo di seminarionan aki. Un danki ta bay na tur oradornan cu a haci un tremendo trabou. Y N’e publico cu tabata activo, haciendo diferente pregunta.

E proximo Seminario lo tuma luga Diasabra awo dia 22 di juni y lo ta completamente na Papiamento cu splicacion aki aya p’esnan di habla Ingles.

Durante ‘Don’t be blind to the signs’ 131 a zorg pa su mentornan wordo capacita

ARUBA ta conoci como un isla caminda semper personanan naci pafo di Aruba a bin Aruba pa traha. Hopi biaha cu tempo nan a trece nan yiunan pa bin biba cerca nan. P’e mucha/hoben aki cu ta bin di un otro pais, tur cos ta nobo y dimes cu su impacto. E mucha/hoben ta bay conoce amistadnan nobo, ta drenta den un sistema di educacion ful nobo cu un idioma di instruccion totalmente desconoci pa nan. Tur esaki por tin consecucionan negativo p’e mucha- y hobennan aki. No ta tur ora e amistadnan nobo tin bon intencion. Sigur no ora cu nan sa of ta pensa cu e mucha/hobennan aki ta den un posicion vulnerabel.

Pero nos mucha- y hobennan naci aki na Aruba tambe ta coriendo hopi risico. Estudionan Internacional ta muestra cu e cifra di personanan birando victima di un of otro crimen digital ta subi-endo drastico. Desde aña 2020 cu binida di e Pandemia di Covid 19, crimen cibernetico a conoce un subida rapido. Nos mucha- y hobennan ya caba prome cu aña 2020 tawata haci uzo di internet 7.5 ora pa dia. Nos mucha- y hobennan ta encontrando nan mes mas y mas cu retonan na momento cu nan ta haci uzo di internet. E personanan cu menos bon intencion cu nos mucha- y hobennan, tambe a bay cuminsa haci mas uzo di internet pa por yega na nan. Grooming, shame sexting y pornografia infantil ta algun di crimen digital cu a conoce un subida e ultimo añanan.

E agresor hopi biaha tin metanan financiero tras di su acto. Un estudio haci na Aruba door di Rode Kruis y Coördinatiecentrum Mensenhandel Mensensmokkel Aruba bao di studiantenan di enseñansa secundario, ta muestra cu hobennan den e edad di 12 pa 18 aña ta core mas riesgo di bira victima di explotacion criminal of sexual.

Pa di 25 aña consecutivo 131 ta organisa ‘Deskundigheidsbevordering Dag’ p’asina inverti den e desaroyo di su mentornan. Un mentor t’e persona cu tur dia di 2:00 te cu 6:00 di atardi ta asisti nos mucha- y hobennan di Aruba, Bonaire, Saba y St. Eustatius cu informacion, sosten emocional y conseho. ‘Deskundigheidsbevordering Dag’ ta un di e tres training grandi cu Fundacion Telefon pa Hubentud Aruba ta organisa tur aña.

Durante e ‘Deskundigheidsbevordering Dag’ e mentornan di 131 a ricibi conocimiento tocante ‘mensenhandel, mensenhandel’ for di sra. Suekyen Croes di ‘Coördinatiecentrum Mensenhandel Mensensmokkel Aruba y informacion tocante e estudio haci door di Dr. Paula Kibbelaar, tocante e calidad di bida di e hoben Arubiano (Quality of life of Aruban youth).

Cu mas conocimiento di e tema di ‘mensenhandel, mensensmokkel’



y e calidad di bida di e hoben Arubiano, e mentor na 131 por analisa y reconoce mas lihe si por tin un situacion di ‘mensenhandel, mensensmokkel’ durante un combersacion cu un mucha/hoben. Esaki ta zorg pa eleva e ayudo cu e mentor ta duna n’e mucha/hoben.

Tambe a presenta 7 mentor nobo cu a caba di e Curso Basico di mentor di 131 y asina aki ta ser incorpora den e team di mentor di Fundacion Telefon pa Hubentud Aruba. E directiva nobo di 131 tambe a ser presenta durante ‘Deskundigheidsbevordering Dag’ 2024.

131 kier a gradici sra. Suekyen Croes di ‘Coördinatiecentrum Mensenhandel Mensensmokkel Aruba y Dr. Paula Kibbelaar p’e cooperacion brinda.

Danki ta bay na Aruba Marriot Resort cu a facilita Deskundigheidsbevordering Dag 2024. Un gradicimento tambe ta bay na Setar N.V, Aruba Airport Authority N.V. y The Salamander Group p’e sosten na 131.

Pa mas informacion tocante tur e trabaonan cu 131 ta desplega por tuma contacto cu 131 via nos website: 131.aw, Instagram: 131aruba, facebook: <https://www.facebook.com/aruba.131>, email: 131aruba@gmail.com of telefon 5886138/ 5884011.

RECETA DI DIA

Aki bo tin un receta simpel pa traha un **Banana Pudding** (pudding di bacoba)

Ingrediente:

Dos bacoba hecho
2 cup di lechi (e por ta volle melk, half vollemelk of hasta lechi di almendra).
1/3 cup di sucu (bo por ahusta segun bo preferencia di dulsura)
3 cuchara di maizena (cornstarch)
1 telep di extracto di vanilla
Un pinch di salo

Instruccion:

1. Preparacion di e bacobanan: Pela e bacobanan y corta nan na wiel.

2. Mescla e maizena: Den un commchi chikito, mescla e maizena cu aproximadamente ½ cup di lechi te ora cu e ta bon disolvi y sin klompi.

3. Cushina: Den un wea mediano, pone e resto di e lechi (1 ½ cup), e bacoba na wiel, e sucu, e vanilla y e pinch di salo. Keinta e mescla riba candela medio-halto, draai e ocasionalmente pa disolve e sucu y p'e bacoba bira moli.

4. Incorpora e maizena: Una bes cu e mescla ta cayente (pero prome cu e herbe) basha e mescla di maizena mientras cu bo ta draai constantemente pa evita klompi. Sigui cushina riba candela mediano-abao, mesclando constantemente te ora cu e mescla bira diki suficiente pa cubri e parti abao di un cuchara (aproximadamente 5-7 minuut).

5. Fria y hinca de frigidaire: Kita e wea di e candela y laga e pudding fria riba temperatura ambiente durante algun minuut. Despues basha e pudding den container individual of den un comchi grandi y cubrie cu un wrap directamente riba e superficie di e pudding pa evita cu e forma un film. Pone den frigidaire durante por lo menos 2 ora of te ora e ta completamente friu.

6. Sirbi: Sirbi e pudding di bacoba friu como dessert. Bo por decor'e cu wiel di bacoba fresco of un pinch di cane na polvo prome cu bo sirbie, si bo ta desea.

Disfruta di bo dushi pudding di bacoba.



Fortaleza pa Famia

Solamente arrepentimento y respet pa Dios por cura orguyo

BIBLICAMENTE ta proba, cu orguyo ta destructivo, pasobra tur hende mester sa cu, orguyo y falta di pordon, ta causa di depresion, cual ta hiba na problema di salud mental y hasta por causa locura y morto.

- Dicon esey ta sosode? Pasobra e tipo di orguyo ey ta opone contra e palabra di Dios, y sin sconde e gran berdad pa ningun hende, nos tin cu bisa e cos manera e ta.

- Cu tur hende cu ta opone Dios su palabra y su principionan ta wordo ataca pa un spirito di eror, cu solamente arrepentimento completo, por trece cambio y cura den nan bida.

No ta existi remedi na mundo pa cura orguyo, den ningun botica e no ta obtenibel, wak con lihe e vacuna contra coronavirus a wordo inventa.

Pero e remedi contra orguyo t'ey hopi tempo caba for di mas cu dos mil aña pasa y su nomber ta Hesus Cristo di Nazaret, y enbes di hende acepta Cristo Hesus nan ta laga diabel bruha na mente y bay contra Dios y su palabra, cu ta algo cu nos tur sa cu ta hiba na propio destruccion.

E asunto aki a keda proba den bijbel y nos por djis presenta algun pa por refresca memoria di hende:

Lucifer e prins di orguyo a lanta contra Dios den cielo, hunto cu un tercera parti di angelnan y esey a causa su caida, e a perde su bunitesa (Ezekiel 28:13-17) y te awe e ta wordo reprende y rechasa p'esnan cu stima Dios.

Rey Nabucodonosor a cay perdi den su orguyo te na momento cu e a reconoce cu ta cielo ta goberna Daniel 4:26 y Daniel 4:37 ta prueba grandi di esey cu tur hende por lesa (Daniel capitulo 4 :1-37).

Rey Saul a muri den su orguyo, pa motibo di su desobediencia un spirito malo di parti di Dios a bini riba dje (1 Samuel 16:23). Saul a perde cabes y a comete suicidio pasobra e no kier a arrepenti di su orguyo y maldad.

Su orguyo a hib'e na bruheria, pasobra e a nota cu su comunicacion cu Dios ta kibra (1 Samuel 28). Den e buki di 2 Samuel 31: 4-5 Saul ta kita su propio bida. Lesando e historia aki tur hende por tuma nota te na unda orguyo



por hiba hende.

Farao di Egipto su orguyo a hib'e na su propio destruccion (Exodo capitulo 14).

Tin hopi hende den depresion, sufriendo di salud mental, y tin hasta muriendo, pa motibo di orguyo.

Proverbionan 8:13 ta bisa E temor di Señor ta pa odia maldad, orguyo arogancia y mal caminda, y un boca perverso mi ta odia.

Proverbionan 11: ta para skirbi: Ora orguyo bini deshonor tambe ta bini, ma sabiduria ta cerca e humildenan.

Proverbionan 16:5 ta recorda tur hende: Cada hende cu ta orguyoso di curason ta un abominacion pa Señor, siguramente e lo no keda sin castigo.

Tur esaki ta para skirbi den bijbel pa hende evita di cay den gara di satanas y rechasa palabra di Dios. Pasobra orguyo ta isola hende pone nan sintinan mes discrimina, cual t'e plan di diabel pa destruccion pasobra Dios no ta discrimina, Dios ta stima tur hende.

Pero ora hende ta biba den pica, y no kier arrepenti, y ta busca tur forma pa legalisa nan eror, p'asina agrada nan carni, y cay den enemistad cu Dios, Dios mes lo atende cu nan segun Romanonan 1:28-32.

Y locual ta para skirbi nos por tuma nota di dje actualmente.

Dios tene misericordia.

Carlos Gardel a muri den un avion na Colombia

Despues di subi un avion pa di prome bes den su bida na Aruba

JUNI 1935, Carlos Gardel a bin Aruba y duna un presentacion na Teatro Gloria di Shon Eddy de Veer. Di e cas di miwela na crusada di Steenweg y Kruisweg mi a mira Gardel y su entourage yega y mi ta corda con Max, un enano hopi conoci den Playa, tabata carga male-tanan di Gardel.

E potret adhunto ta di Juni 2, 1935 dia cu Gardel a biaha pa Corsou. **ESAKI TABATA E PROME BIAHA CU CARLOS GARDEL A BULA DEN UN AVION.** Carlos Gardel tabatin un miedo panico di subi den un avion. Di Buenos Aires el a biaha pa Corsou den bapor y di Corsou el a bin Aruba den un bapor tambe. Pa bay Colombia, Gardel a dicidi di bay Corsou cu avion p'e por subi un bapor cu lo hibe Baranquilla di unda e lo a bay Medellin.

Na Medellin nan a trata Carlos Gardel manera un rey, Rey del Tango. Na tur su presentacionnan durante mas di un siman e teatronan tabata yena te casi rementa. Despues Gardel a bay Bogota, otro caminda cu e tabata super popular.

Dia 24 di Juni e tabata den un avion pa bay Cali, pero nan mester a para na Medellin caminda centenares di su fanaticonan a bin cuind'e. Despues di e entrevista, sacamento di potret y hopi combersacion cu prensa y dignatarionan, Gardel a subi avion atrobe. E avion a haya permiso pa cuminsa su salida 3or pm. Desafortunadamente, un otro avion, un otro TriMotor cu nomber Manizales, tambe a haya orden pa prepara pa nan take-off. Segun e rapport oficial di autoridadnan di




Juni 2, 1935 – un dia historico. E prome bes cu Carlos Gardel a bula den un avion. E vuelo tabata di Aruba pa Corsou

aeropuerto, biento duro cu tabata supla a desvia e avion di Gardel y a bay dal contra Manizales y tur dos a coy candela cu a causa morto di Carlos Gardel y 16 persona mas. Solamente tres persona a sobrevivi.

IRONIA: 23 dia despues di bula pa prome bes den un avion, Carlos Gardel a muri den un avion, **RIBATERA!**

Clyde R. Harms Sr.




SETAR ta participa fayecimento di nos colega:

Stanley Pourrier

Acto di entierro ta tuma luga diamars 25 di juni 2024 di 9.00 am pa 11.00 am na Aurora Funeral Home.
Oportunidad pa condolencia ta dialuna 24 di juni 2024 di 7.00 pm pa 9.00 pm.

Gerencia, Staf y Personal di SETAR N.V. ta extende palabra di condolencia na famia y conocirnan di nos colega Stanley.

Cu Stanley sosega na paz.



Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Installacion
- ✓ Material di Calidad
- ✓ Design

📞 6990495



www.laycro.com



Laga tur loke ta spera mi ta bunita
Laga tur locual cu mi
encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.

Nos ta anuncia fayecimento di:

Rosiane Lubin

Mihor conoci como: "Nain"
*20-04-1945 - †15-06-2024

Acto di entierro lo wordo anuncia despues



Gradicimento / Invitacion

Na number di famia nan nos kier
a gradici cada un cu a tuma nan tempo pa a
bin dispidi di nos ser stima:

Jarick Patrick Steven Farro

Un danki na un y tur cu a manda carchi,
krans, whatsapp, email y a hasi yamada nan
telefonico. Boso muestra di atencion ta di hopi
aprecio y un gran sosten pa nos.

Ta invita pa asisti na 3 Santo Sacrificio
di misa cual lo tuma lugar na
Misa Santa Anna na Noord dia:
Diabierna 21 di Juni 2024 pa 6.30 pm
Diasabra 22 di Juni 2024 pa 7or pm
Diadomingo 23 di Juni 2024 pa 7:30 am

Bo(so) presencia lo ta altamente aprecia.



Lo E seca tur lagrima for di nan wowo,
I morto lo no existi mas,
lo no tin nada di rou, nada di yoramento,
nada di dolor mas
pasobra tur cos di antes a pasa bai Rev. 21:4

I awor , ata mi aki para na bo porta Salmo 122

A bai pa encontra esnan cu a bai su dilanti

**Joseph Wilbert
Stanley Pourrier**

*11-09-1961 – 17-06-2024

Acto di entierro lo wordo anuncia despues



Lagrima y floran por seca, su recuerdonan y tur
loke el a haci y significa pa nos, lo keda graba
pa semper den nos mente y curason.

"Cerca Dios mi alma ta na paz, ta di DJ'E mi
salbacion ta bin"
Salmo 62:1

Cu dolor na nos curason pero conforme cu
boluntad di Dios, nos ta
participa fayecimento di nos Casa, Mama,
Wela, Yui I Ruman:

**Lisanne G.M.
Tromp-Dijkhoff**

Mihor conoci como "Liesje"
*11-10-1966 – †17-06-2024

Na number di su:

Querido Esposo:
Florentino Tromp

Yuinan:
Sheeba Carmona Sheik I Esposo Amilcar
Carmona I yuinan
†San Deep Singh
Lizandro Tromp

Nietanan:
Shaniqua Kock I Alysha Kock

Nieto:
Nathaniel Carmona

Mama:
Bernadeta "Deta" Jacopucci

Tata:
Emilio "Milo" Dijkhoff

Rumannan:
Haidi Dijkhoff I Robert Webb I famia
Vilma Dijkhoff I Cyrill Vrolijk I famia
Sandro Dijkhoff I Famia
Christina Dijkhoff I Vicente Amadis I famia

Subrina I sobrinonan I sobre sobrino(a) nan,
Swa I Cunjanan, Tanta I Omonan, Primo I
primanan

Su lhá:
Zeralda Mora-Blom

Demas famia I amistades nan I coleganan
di trabow di Divi & Tamarijn All Inclusive
Famianan: Tromp, Dijkhoff, Jacopucci, Kock,
Carmona, Maduro, Blom, Mora, Luydens,
Croes, Ismail, Amadis, Webb, Giel, Vrolijk,
Geerman, Petrocchi,
Henricus, Krozendijk, Elizabeth, Trimon, Van
Egmond,

Acto di entierro I condolencia lo tuma lugar
Dia: **Diahuebs 20 di Juni 2024** na Aurora
Funeral Home Orario di 9am – 11am.

Despues lo tin acto di cremacion den seno
familiar.

Su deseo ta pa bisti na colornan alegre: Su
color nan preferi ta lila I fuscia.

Nos disculpa si den nos tristeza nos por a
lubida algun famia.

Despues di entierro no ta ricibi bishita di
condolencia na cas.



Dios ta amor . . . Y amor ta Dios
Maske mi no ta na e mundo aki, tur dia lo mi
ta banda di boso curason, mi por
stens di loke Señor ta hasi.
(Salmo 33)

A bai sosega den braza di Señor nos ser stima:

**Sra. vda. Louisa
Feliciano - Winterdaal**

Cariñosamente yama "Nana".
*4 Februari 1933 – †14 Juni 2024

Na number di su Esposo:
† Isidro "Chido" Feliciano

Yiunan:
Maiky y † Diana Feliciano - Zievinger y yiu
† Ruben y Lucia Feliciano - Werleman y yiunan
Rosendo y Elizabeth Feliciano - Pertuz y yiunan
Roland y Debby Feliciano - Bastin y yiunan
† Oslin Feliciano
Leo y Lientje Feliciano - Croes y yiunan
Ronny y Gina Feliciano - Maria y yiu
Lourdes y Maickel Kock - Feliciano y yiunan
Linda y Rubin Ponson – Feliciano

Rumannan:
† Simona y † Dufi Rasmijn y famia
† Maria y † Poli Kelly y famia
Lucia Winterdaal
Olga y † Leandro Franken y famia
† Rita y † Alex Werleman y famia
† Ale Winterdaal
† Felis Winterdaal

Swa y cuñanan:
† Raymundo y † Elizabeth Feliciano y famia
Chonai y Mona Feliciano y famia
† Catharina Feliciano y famia
† Chomon y † Imelda Feliciano y famia

Nieto(a)nan:
Dianmary y Dave, Maureen y Cedrick,
Ruthmila, Riangelo y Merelee, Renwick, Raisa
y Robert, Rodwin y Vera, Roselyne y Armando,
Dustin y Vanessa, Kyra y Travis, Brandon
y Ashlynd, Aljee y Lily, Siljee, Stephanie,
Loumaishka y Neo, Jamison y Roxany,
bisanieto(a)nan y tataranieto(a)nan.

Ta invita tur sobrino y sobrinanan, primo y
primanan, bisiñanan, conociman, su ayudante
Kuki, tur cu a stime

Demas famia:
Feliciano, Winterdaal, Zievinger, Williams,
Werleman, Maria, Kock, Ponson, Rasmijn,
Franken, Croes, Kelly, Hernandez, Williams,
Monier, Pertuz, Bastin, Figaroa, Gomes, Jansen,
Coleman, Litton, Arendsz, Geerman

Acto di despedida cu lo tuma lugar:
Diahuebs 20 di Juni 2024 di 9or di mainta pa
11or di mainta na Misa Santa Filomena na
Paradera.

Response lo cuminsa pa 11:00 am y despues
lo sali cu e defunto stima pa Santana na
Paradera.

Nos disculpa si den nos tristesa nos por a
lubida algun famia of conocir.





Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa frankil,
Pa mi bolbe haña forsa".
Salmo: 23

Cu inmenso dolor y tristesa na nos curazon, pero
conforme cu e voluntad di Dios, nos ta anuncia e
fayecimento inesperadamente di nos casa, mama,
wela, ruman y tanta.

Bera Soledad
Quandt Quandt

Mihor conoci como Sole
*26-05-1961 †14-06-2024

Majornan:
† Maria A. Quandt y † Dionisio A. Rincones

Esposo:
Pedro Luis "Peyo" Quandt

Jiunan:
†Luis Alberto Quandt
Nazary Quandt y jiu
Franchesco Quandt y Nurienne Holsman y familia

Nietonan:
J'Dion y J'Lyon Quandt y mama Anette Peterson
Romaissa Quandt y mama Salima Boumadfaa
Jaheal Quandt
Aleny Quandt

Rumannan:
Maria Theresa Quandt y familia
Junior Quandt y Sabine Montesant y familia
Liliana Quandt y JJ Tromp y familia
Rina y Elpidio Mejia y familia

Subrinonan:
Lusadelle Ibarra y familia
Charles Ibarra y familia
Junenaica Ibarra y familia
Saul Ibarra y familia
Krishna Mejia
Jeshua Mejia y Tiana Tromp

Tanta y omonan:
†Alicio Quandt y familia
†Federico Quandt y familia
†Johens y Fanny Quandt y familia
Victor Quandt y familia
Ina Croes y familia
Francisco Rincones y familia
†sidro Rincones y familia
†Luis Rincones y familia
Eric Rincones y familia
†Rosario Rincones y familia
Erica Rincones y familia

Primonan: Dino, Alexander, Carlos, Lawrence,
Shannon, Romar,Edward, Francis, Mary,
Sandra,Sharon, Luigi, Junior, Omaira, Everick, Elwin,
Edmar, Linda, Miloushka, Rogene,*Guillermo, Ashron

Comer y compernan:
Mayra Aparicio y familia, Jaime Mejia y familia,
Myladis Quandt y familia, Bito Vrolijk y familia, Camala
Peterson y familia, Karel Castro y familia, Victoria
Sevinger, Carina Fingal

Su bon amigonan: Benny Sevinger y familia, Richard
Bargues y familia, Gerald y Mireille Franca y familia,
Magda Steenen y familia, Leo Lopez, Rosa Perez y
familia

Y demas familia, prima, primo, amiga amigo, iha,
bisiña y conocirnan cu ta muchu hopi pa menciona

Oportunidad pa condolencia lo ta Diahuebs di 7 pa
9 na avenida alo tromp 52

Ta invita pa acto di entierro cual lo tuma lugar
Diabierna 21 di Juni 2024, na misa Pro Cathedral San
Fransisco De Asis na Playa di 2.00pm pa 4.00pm y
despues lo sali bai pa santana catholico na Playa.



Di berdad, berdad, mi ta bisa boso, esun cu tende
mi palabra y kere esun cu a manda mi, tin bida
eterno, y no ta bin pa huicio, ma a pasa for di
morto pa bida. Juan 5:24.

Cu inmenso dolor na nos curason a bay sosega
nos dilanti den reino di dios nos mama, abuela,
bisabuela, tatarabuela

Sra, Maria
Geerman Henricus

Na e bunita edad di 98 aña
Miho conoci como Nini of Dudu
*21-11-1925 - †18-06-2024

Su casa: †Pedro Everon Henricus

Su yuinan: Juanita Henricus Y Fam
Carin Rodriguez Y †Juan Rodriguez Y Fam
Irma Henricus Y Fam
Cristina Y Tico De Mey Y Fam
Rafael Henricus Y Mena Na Hulanda
Rufino Y Thea Henricus Y Fam Na Hulanda
Oscar (Robby) Henricus Y Familia

Cu a stima manera yiuinan:
Raymond (Otty) Ras
Wendy Koolman
Patrick Henricus
Kimberly Werleman

Nietonan:
Valentino (Vale) Y Paola Ras Y Fam
Raymond (Otty) Y Suzette Ras Y Fam
Anthony Ras Y Fam
† Gilbert (Bechi) De Mey
†Edgar (Galacha) Ras
Alexander (Eky) De Mey
Giovanny Henricus Y Fam Na Hulanda
Johnmarc Henricus Y Fam Na Hulanda
Angelo Henricus Y Fam Na Hulanda
Patrick Henricus Na Hulanda
Roberto Henricus Y Fam

Nietanan:
Wendy Koolman Y Xiomara Gomez
Lisette Y Cesar Revilla Ras Y Fam
Jacqueline Rodriguez Y Tico Y Fam Na Hulanda
Julisa (Lila) Rodriguez Y Fam
Roxanne (Chana) Henricus Y Fam
Angelice De Mey Y Fam
Alicia Y Casa Na Hulanda Y Fam
Janine Henricus Y Fam

Bisanieto y bisanieta nan tataranieto y tataranieta
nan mucho hopi pa menciona

Su rumannan:
†Reinilla Y †Boei Leon
†Adriana Y †Porfillio V/Der Biezen
†Brigida Y †Jacobo
†Ana Geeerman
†Daniel Geerman
†Johan Geerman
Florita Y †Dabian Kelly Fam


Subrino y sobrinanan, prima y primonan, comer y
compernan, ihanan

Demas familia: Geerman, Henricus, Rodriguez,
Demey, V/Der Biezen, Leon, Ras, Kelly, Dirksz,
Werleman, Carasquerro, Innocencia, Croes,
Angela, Koolman, Tromp, Falcones.

Ex companera(o) nan di Kibrahacha

Acto di entierro y condolencia lo tuma luga dia:
Diasabra 22 di Juni 2024 na aurora Funeral Home
orario di 11 am y pa 1:00pm nos lo ta saliendo
pa misa Inmaculada Concepcion Santa Cruz
di 2:00pm pa 4:00 pm y despues lo sali bay pa
Santana Catholica Santa Maria na Santa Cruz.

Disculpa nos si den nos dolor y tristeza nos por a
lubida algun familia, amistad of conocer.



Lagrima y floran por seca, su recuerdonan y tur
loke el a haci y significa pa nos, lo keda graba
pa semper den nos mente y curason.

“Cerca Dios mi alma ta na paz, ta di DJ'E mi
salbacion ta bin”
Salmo 62:1

Cu dolor na nos curason, nos ta participa
fayecimento di nos ser stima:

Sr. vdo.
Melecio Briesen

Cariñosamente yama “Ale of Papa Grandi”
*21-11-1933 - †16-06-2024

Su casa:
†Ana Maria Briesen Heronimo

Yiunan:
Lodrico (Ludi) y Evalyn y familia
Edwin (Tico) y Miriam y familia

Yiunan di Criansa:
†Jossy y Lourdes
Amanda y Benito
Doortje y Dino

Nietonan:
Jack y Nathalie
Joanda y Lenny y familia
Joally y familia
Jorrick y familia
Jolaine
Joselito y yuinan
Marina y yuinan
†Frenky y yiu
Josmar y yuinan
Jose y yuinan
Jermain
Jaimir
Andre y Nancy y familia
Andreina y Marvin y familia
Jasmila y Edward y familia
Francis y Danilka

Su ayudante principal:
Julia Yanet Parada

Co-ayudante y asistente:
Jasmila Heronimo, Jay Heronimo, Luz Merry
Echaverria, Betty, Cathy Moncayo, Jacky
Rosso, Martha Ramirez, Natalia Penagos, Selly
Werleman Everon.

Swa: Cornes Maduro

Subrinonan: Ronny, Siegfried y Benky

Tur primo y primanan, amigo(a) y bisinjanan,
ihanan, conocirnan y demas familia Heronimo,
Briesen, Briezen, Croes, Krosendijk, Growell,
Henriquez, Tromp, Everon, Gamarra, Dania,
Kock, Geerman, Ras, Gomez, Loopstok, Dirksz,
Boekhoudt, Feliciano, Erasmus, Maduro y
Pereira.

Oportunidad pa condolencia lo ta **Diabierna
21 di Juni 2024** di 7.00 pa 9.00 pm na Aurora
Funeral Home.

Acto di entierro lo ta **Diasabra 22 di Juni 2024**
di 2.00 pa 4.00 pm na Aurora Funeral Home.
Cremashon lo tuma lugar den seno familiar.

Disculpa nos si den nos tristesa nos por a
lubida algun familiar, amigo of conocer.



E DIFERENCIA DEN NOTICIA

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com